

四庫全書

子部

欽定四庫全書

普濟方卷一百二十八 明 周王朱橚 撰

傷寒門

辨陽明證并治第八

問曰病有太陽陽明有正陽陽明有少陽陽明何謂也

答曰太陽陽明者脾約是也

陽明胃也邪自太陽經傳之入府者謂之太陽陽明

經曰太陽病若吐若下若發汗後微煩小便數大便因  
鞭者與小承氣湯即是太陽陽明脾約病也正陽陽明  
者胃家實是也邪自陽明經傳入府者謂之正陽陽明  
經曰陽明病脈遲雖汗出不惡寒其身必重短氣腹滿

而喘有朝熱者外欲解可攻裏也手足濇濇然汗出者此大便已鞫也大承氣湯主之即是正陽陽明胃家實也

少陽陽明者發汗利小便已胃中燥煩實大便難是也

邪自少陽經傳之入府者謂之少陽陽明經曰傷寒脈弦細頭痛發熱者屬少陽少陽不可發汗發汗則譫語

此屬胃即是少陽陽明之為病胃家實也邪傳入胃熱毒陽陽明病也

實華佗曰熱毒入胃要須下去之不可留于胃中是知邪在陽明為胃家實也問曰何緣得陽

明病荅曰太陽病發汗若下若利小便此亡津液胃中

乾燥因轉屬陽明不更衣內實大便難者此名陽明也

太本

陽病不解因汗利小便亡津液胃中乾燥太陽之邪入府轉屬陽明古人登廁必更衣不更衣者道為不大便

不更衣則胃中物不得泄故為內實胃無津液加之畜熱大便則難為陽明裏實也問曰陽明病

外證云何荅曰身熱汗自出不惡寒反惡熱也

陽明病為邪入

府也邪在表則身熱汗出而惡寒邪既入府則表證已罷故不惡寒但身熱汗出而惡熱也

問曰病

有得之一日不發熱而惡寒者何也荅曰雖得之一日

惡寒將自罷即自汗出而惡熱也

邪客在陽明當發熱而不惡寒今得之一日

猶不發熱而惡寒即邪未全入府尚帶表邪若表邪全入則更無惡寒必自汗出惡熱

問曰惡寒何

故自罷荅曰陽明在中土也萬物所歸無所復傳始雖

惡寒二日自止此為陽明病也

胃為水穀之海主養四旁四旁有病皆能傳入

于胃入胃則更不復傳如太陽之入胃則更不傳陽明陽明病傳之入胃則更不傳少陽少陽病傳之入胃則更不傳三本太陽初得病時發其汗汗先出不徹因轉屬陽

明也傷寒傳經者則一日太陽二日陽明此太陽傳經故曰轉屬陽明傷寒發熱無汗

嘔不能食而反汗出濇濇然者是轉屬陽明也傷寒發熱無汗

嘔不能進食者太陽受病也若反汗出濇濇然者太陽之邪轉屬陽明也經曰陽明病法多汗傷寒三

日陽明脈大傷寒三日邪傳陽明之時經曰尺寸俱長者陽明受病當二三日發陽明氣血俱多又

邪併於經大傷寒脈浮而緩手足自溫者是為繫在太陰

太陰身當發黃若小便自利者不能發黃至七八日大

便鞭者為陽明病也

浮為陽邪緩為脾脈傷寒脈浮緩太陰客熱邪在三陽則手足熱邪

在三陰則手足寒今手足自溫是知繫在太陰也太陰上為邪蒸之則色見于外當發身黃熱小便自利者熱不內畜不能發黃至七八日大便傷寒轉繫陽明者鞭者即太陰之邪入腑轉屬陽明也

其人澀然微汗出也

傷寒則無汗陽明多汗比以傷寒邪轉繫陽明故澀然微汗出也

陽明中風口苦咽乾腹滿微喘發熱惡寒脈浮而緊若

下之則腹滿小便難也

脈浮在表緊為裏實陽明中風口苦咽乾腹滿微喘者熱傳於

裏也發熱惡寒者表仍未解若下之裏邪雖去陽明病表邪復入于裏又亡津液故使腹滿而小便難

若能食名中風不能食名中寒

陽明病以飲食別受風寒者以胃為水穀之海

風為陽邪陽殺穀故中風者能食陽明病若中寒不能  
寒為陰邪不殺穀故傷寒不能食

食小便不利手足澹然汗出此欲作固瘕必大便秘  
後澹所以然者胃中冷水穀不別故也

陽明中寒不能食者寒不殺穀

也小便不利者津液不化也陽明病法多汗則周身汗  
出此手足澹然而汗出而身無汗者陽明中寒也固瘕  
者寒氣結積也胃中寒甚欲留結而為固瘕則津液不  
得通行而大便秘者若汗出小便不利者為實也此  
以小便秘不利而水穀不別

陽明病欲食小便反不利大

便自調其人骨節疼翕翕如有熱狀奄然發狂澹然汗出

而解者此水不勝穀氣與汗共併脈緊則愈

陽病客熱初傳入胃

胃熱則消穀而欲食陽明病熱為實也則小便當數大便當鞫今小便反不利大便秘自調者熱氣散漫不為實也欲食則胃中穀多內經曰食入於陰長氣於陽穀多則陽氣勝熱消津液則水少經曰水入於經其血乃成水少則陰弱矣金匱要略曰陰氣不通則骨疼其人陰氣不足也熱甚於表者翕翕發熱熱甚於裏者蒸蒸發熱此熱氣散漫不專著於表裏故翕翕如有熱狀奄忽也忽然發狂者陰不勝陽也內經曰陰不勝其陽者則脈流薄疾并乃狂陽明蘊熱為實者則煩下之愈熱氣散漫不為實者必待汗出而愈故云濺然而汗出解也水穀之等者陰陽氣平也水不勝穀氣是陰不勝陽也汗出則陽氣衰脈緊則陰氣盛陰陽氣平而無偏勝則愈故云與汗陽明病欲解時從申至戌上四月為陽主共脈緊則愈陽明病不能食攻其熱必噦所以然者胃中戌向旺時陽明病不能食攻其熱必噦所以然者胃中是為欲解



虛冷故也以其人本虛故其熱必噦

不能食胃中本寒攻其熱復虛其胃

虛寒相搏故噦也經曰關脈弱胃氣虛有熱不可大攻之熱去則寒起此之謂也

陽明病脈遲

食難用飽飽則微煩頭眩必小便難此欲作穀疸雖下

之腹滿如故所以然者脈遲故也

陽明病脈遲則邪方入裏熱未為實也食

入于陰長氣於陽胃中有熱也食難用飽飽則微煩而頭眩者穀氣與熱氣相搏也兩熱相合消損津液必小

便難利者不能發黃言熱得泄也小便不利則熱不得泄身必發黃疸黃也以其發於熱故名穀疸熱實者下

之則愈脈遲者熱氣未實雖下之腹滿亦不減也經曰脈遲未可以攻

陽明病法多汗其

身如蟲行皮中狀者以此久虛故也

胃為津液之府氣虛津液少病則反

無汗胃候身之肌肉其身如蟲行皮中者知胃氣久虛也陽明病反無汗而小便利

二三日嘔而欬手足厥者必苦頭痛若不欬不嘔手足

不厥者頭不痛

陽明病法多汗反無汗而小便利者陽明傷寒而寒氣內攻也至二三日嘔欬支

厥者寒邪發於外也必苦頭痛若不欬不嘔手足不厥者是寒邪但攻裏而不外發其頭亦不痛也陽明

病但頭眩不惡寒故能食而欬其人必咽痛若不欬者

咽不痛

陽明病身不重痛但頭眩而不惡寒者陽明中風而風氣內攻也經曰陽明病若能食名中風風

邪攻胃胃氣上逆則欬咽門者胃之系欬甚則咽傷故必咽痛若胃氣不逆則不欬其咽亦不痛也陽明

病無汗小便不利心中懊懣者身必發黃

陽明病無汗而小便不利

者熱蘊於內而不得越心中懊懣陽明病被火額上微

汗出小便不利者必發黃陽明病則為內熱被火熱相

利者熱得泄越不能發黃今額上下汗出而陽明病脈

浮而緊者必潮熱發作有時但浮者必盜汗出浮為在

裏實脈浮而緊者表熱裏實也必潮熱發作有時若脈

明病裏熱者自汗陽明病口燥但欲漱水不欲嚥者此必

血陽明之脈起於鼻絡於口陽明裏熱則渴欲飲水此

明氣血俱多經中熱甚陽明病本自汗出醫更重發汗

迫血妄行必作衄也

病已差尚微煩不了了者此大便秘故也以亡津液

胃中乾燥故令大便秘當問其小便日幾行若本小便

日三四行今日再行故知大便不久出今為小便數少

以津液當還入胃中故知不久必大便也

先亡津液使大便秘小便

數少津液分則大便必自下也傷寒嘔多雖有陽明證不可攻也

嘔者熱在

上焦未全入腑故不可下陽明病必下鞭滿者不可攻之攻之利遂

不止者死止者愈

陽明病腹滿者為邪氣入腑可下之心不鞭滿則邪氣尚淺未全入腑不

可便下之得止者利為邪氣去正氣安陽明病面合赤

則愈若因下利不止者為正氣脫而死

色不可攻之必發熱色黃小便不利也

合道也陽明病面色道赤者熱

在經也不可下之下之虛其胃氣耗其津液經中之熱乘虛入胃必發熱色黃小便不利也

陽明病

不吐不下心煩者可與調胃承氣湯

吐後心煩謂之內煩下後心煩謂之

虛煩今陽明病不吐不下心煩即是胃煩鬱熱也與調胃承氣湯以下鬱熱

陽明病脈遲雖

汗出不惡寒者其身必重短氣腹滿而喘有潮熱者此

外欲解可攻裏也手足濇然而汗出者此大便已鞭也

大承氣湯主之熱汗多微發熱惡寒者外未解也其熱

不潮未可與承氣湯若腹大滿不通者可與小承氣湯

微和胃氣勿令大泄下陽明病脈遲若脈出多微發熱惡寒者表未解也若汗遲雖汗

出而不惡寒表證罷也身重短氣腹滿而喘有潮熱者熱入府也四肢諸陽之本津液足為熱蒸之則周身汗出津液不足為熱蒸之其手足澀然而汗出知大便已鞭也與大承氣湯以下胃熱經曰潮熱者實也其熱不通是熱未成實故不可與大承氣湯雖有腹大滿不通之急亦不可與大承氣湯與小承氣湯微和胃氣

### 大承氣湯方

大黃四兩苦寒酒洗厚朴半觔苦溫炙去皮枳實五枚苦寒炙芒硝三合

寒醎

內經曰燥淫所勝以苦下之大黃枳實之苦以潤燥除熱又曰燥淫於內治以苦溫厚朴之苦下結

燥又曰熱淫所勝治之鹹  
寒芒硝之鹹以攻蘊熱

右四味以水一斗先煮二物取五升去滓內大黃煮  
取二升去滓內芒硝更上火微一兩沸再服得下餘  
勿服

小承氣湯方

大黃

厚朴

枳實

三枚大

者炙

大熱結實者大承氣湯小熱微結者與小承氣湯  
以熱不大甚故於大承氣湯去芒硝又以結不至  
堅故亦減厚  
朴枳實也

已上三味以水四升煮取一升二合去滓分溫二

服初服湯當更衣不爾者盡飲之若更衣者勿服之

陽明病潮熱大便微鞭者可與大承氣湯不鞭者不與

之若不大便六七日恐有燥屎欲知之法少與小承氣

湯入腹中轉失氣者

此有燥屎乃可攻之若不轉失氣者此但初頭鞭後必溏不可攻之

攻之必脹滿不能食也欲飲水者與水則噦其後發熱

者必大便腹鞭而少也以小承氣湯和之不轉失氣者

慎不可攻也

朝熱者實得大便秘鞭者便可攻之若不鞭者則熱未成實雖有朝熱亦未可攻也



若不大便六七日恐有燥屎當先與小承氣湯順之若無燥屎小承氣湯熱勢緩不能宣泄必轉氣下失若不轉氣是胃中無燥屎但恐其初頭鞭後必澹攻之則虛其胃氣致腹脹滿不能食也胃中乾燥則欲飲水水入胃中虛寒相搏氣逆則噦其後却發熱者則熱氣乘虛還腹聚於胃中胃燥得熱必大便秘復鞭而少與小承湯微利以和之故又重云不轉失氣不可攻之謹慎之至

夫實則譫語虛則鄭聲重

語也

內經曰凡邪氣盛則實精氣奪則虛譫語由邪氣盛而神識昏也鄭聲由精氣奪而聲不全也譫語

者言語不次也鄭聲者鄭聲不正也論語云惡鄭聲之亂樂又曰故鄭聲遠佞人鄭聲淫佞人殆言鄭聲不正

也今新差氣虛人聲轉者是所謂重語也若聲重亦聲轉也

直視譫語喘滿者死下

利者亦死

直視譫語邪勝也喘滿為氣上脫下利為氣下脫是皆主死

發汗多若重

發汗者亡其陽譫語脉短者死脉自和者不死

亡陽胃燥譫語

者脉短津液已絕不可復治脉自和為主氣未衰而猶可生也

傷寒若吐若下後不解

不大便五六日上至十餘日日晡所發潮熱不惡寒獨

語見鬼狀若劇者發則不識人循衣摸牀惕而不安微

喘直視脉弦者生濇者死微而未至於劇而但發熱譫

語者可與大承氣湯主之若下一服利則止後服

若吐下皆

傷胃氣不大便五六日上至十餘日者亡津液胃氣虛邪熱內結也陽明生於中酉戌日晡所發潮熱者陽明熱甚也不惡寒者表證罷也獨語如見鬼狀者陽明內實也以爲熱氣有餘若劇者是熱氣甚大也大熱甚於

內存胃正氣使不識人至於循衣摸床惕不安微喘  
直視傷寒陽勝而陰絕者死陰勝而陽絕者死熱劇者  
為陽勝脈弦為陰有餘溢為陰不足陽熱雖劇脈弦知  
陰未絕即猶可生脈溢則絕陰故不可治其邪熱微而  
未至於劇者但發熱譫語可與大承氣湯以下胃中熱  
經曰凡服下藥中滿即止不必盡劑此以熱未劇故云  
若一服利陽明病其人多汗以津液外出胃中燥大便  
則止後服

必鞭鞭則譫語小承氣湯主之若一服譫語止更莫復

服亡津液胃燥大便鞭而譫語雖無大熱內結亦須與

小承氣湯和其胃氣得一服不譫語則胃燥以潤更

莫復與承氣湯也陽明病譫語發潮熱脈滑而疾者小承

本無實熱故也

氣湯主之因與承氣湯一升腹中轉氣者更服一升若

不轉失氣勿更與之明日不大便脈反微澁者裏熱也

為難治不可更與承氣湯也

陽明病讞語發潮熱若脈沉實者內實也則可下若

脈滑之疾為虛熱未實則未可下先與小承氣湯和之湯入腹中轉失氣者中有燥屎可更與小承氣湯一升

以除之若不轉而失氣者是無燥屎不可更與承氣湯至明日邪氣傳時脈得沉實緊牢之類是裏熱也反得

微澁者裏氣大虛也若大便秘利後脈微澁者止為裏虛而尤可比不曾大便秘脈反微澁是正氣內衰為邪勝故

云難治陽明病讞語有潮熱反不能食者胃中必有燥屎

五六枚也若能食者但鞭小宜大承氣湯下之

讞語潮熱為胃

熱當消谷引食反不能食者胃中有燥屎而胃中實也若能食者胃中虛熱雖鞭不得為有燥屎難病虛為不

欲食實為欲食傷寒則胃實熱甚者不能食胃中虛熱甚者能食與雜病為異也大承氣湯以下燥屎遂結熱

陽明病下血譫語者此為熱入血室但汗出者刺期門

隨其實而瀉之澱然汗出則愈

陽明病熱入血室迫血下行使下血譫語陽明

病法多汗以奪血者無汗故但頭汗出也刺期門以散血室之熱隨其實而瀉之以除陽明之邪熱散邪除熱榮衛得通津液得解汗出譫語者以有燥屎在胃中此為復澱然汗出而解

風也須下之過經乃可下之下之若早語言必亂以表

虛裏實故也下之則愈宜大承氣湯

胃中有燥屎則譫語以汗出為表未

罷故云風也燥屎在胃則當下以表未和則未可下須過太陽經太陽無表證乃可下之若下之早燥屎雖除則

表邪乘虛復陷於裏為表虛裏實胃虛熱甚傷寒四五  
語言必亂與大承氣湯却下胃中邪熱則止

日脈沉而喘滿沉在裏而反發其汗津液越出大便為

難表虛裏實久則譫語

邪氣入內之時得脈沉而喘滿裏證具也則當下之反發其汗

令津液越出胃中乾燥大便必難久則屎燥胃實必發譫語

三陽合病腹滿身重難

以轉側口不仁而面垢譫語遺尿發汗則譫語下則額

上生汗手足逆冷若自汗出者白虎湯主之

腹滿身重難以轉側

不仁譫語者陽明也針經曰少陽病甚而則微塵此面垢者少陽也遺尿者太陽也此三者以陽明證多故出陽明篇中三陽合病為表裏有邪若發汗攻表則燥熱益甚必愈譫語若下之攻裏表熱乘虛內陷必額上汗

出手足逆冷其自汗出者三陽經熱甚也內經曰熱二則腠理開榮衛通汗大泄與白虎湯以解內外之熱

陽併病太陽證罷但發潮熱手足熱汗出大便難即譫

語者下之則愈宜大承氣湯

本太陽病併於陽明名曰併病太陽證罷是無表證

但發潮熱是熱併陽明一身汗出為熱越今手足熱汗

出是熱聚於胃也必大便秘難而譫語經曰手足熱然

而有汗出者必大便秘也陽明病脈浮而緊咽燥口

苦腹滿而喘發熱汗出不惡寒反惡熱身重若發汗則

燥心憤憤反譫語若加燒針必怵惕煩躁不得眠若下

之則胃中空虛客氣動膈心中懊懣舌上胎者梔子豉

湯主之

脈浮發熱為邪在表咽燥口苦為熱在經脈墜腹滿而喘汗出不惡寒反惡熱重身為邪在裏

此表裏俱有邪猶當雙解之若發汗攻表表熱雖除而內熱益甚故躁而憤憤反譟語憤憤也心亂經曰榮氣

微者加燒針血不行更發熱而躁煩此表裏有熱若加燒針則損動陰氣故怵惕煩躁不得眠也若下之裏熱雖

去則胃中空虛表中客邪之氣乘虛陷於上焦煩動於腸使心中懊憹而不了了也舌上胎黃者熱氣客於胃

中舌上胎白知熱氣客于胃中與梔子豉湯以吐胃中之邪若渴欲飲水口乾舌燥者

白虎加人參湯主之

若下後邪熱客於上焦者為虛煩此下後邪熱不容於上焦而容於

中焦者是為乾燥煩渴與白虎加人參湯散熱潤躁

若脈浮發熱渴欲飲水小便

不利者猪苓湯主之

此下後容熱客於下焦者也邪氣自表入裏容於下焦三焦俱帶熱



也脈浮發熱者上焦熱也渴欲飲水者中焦熱也小便不利者邪客下焦津液不得而通也與猪苓湯利小便以瀉下焦之熱也

# 猪苓湯方

猪苓

去皮

茯苓

甘平

阿膠

甘平

滑石

碎甘寒

澤瀉

甘鹹寒

各一兩

甘甚而反淡

淡味滲泄為陽猪苓茯苓之甘以行小便鹹味湧泄為陰澤瀉之鹹以泄伏水滑利竅阿膠滑石之滑以利水道

右四味以水四升先煮四味取二升去滓內下阿膠

烱消溫服七合日三服

陽明病汗出多而渴者不可與猪苓湯以汗多胃中燥

猪苓湯復利其小便故也

針經曰水穀入於口輸於腸胃其液別為五天寒衣薄則

為溺天熱衣厚則為汗是汗溺一液也

多津液外泄胃乾燥故不與猪苓湯也

熱裏寒下利清穀者四逆湯主之

浮為表熱遲為裏寒甚下利清穀者裏寒甚

也與四逆溫裏散寒

若胃中虛冷不能食者飲水則噦

噦者咳逆是也千金

曰咳逆者噦逆之名胃中虛冷脈浮發熱口乾鼻燥能

食者則血

脈浮發熱口乾鼻燥者熱在經也能食者裏和也熱甚於經迫血為衄胃中虛冷陰勝也

水入於經其血乃成飲水者助陰氣逆為噦噦必發熱  
口乾陽勝也食入於陰長氣於陽能食者助陽血妄為  
衄三者偏陰陽明病下之其外有熱手足溫不結胃心  
偏陽之疾也

中懊懷饑不能食但頭汗出者梔子豉湯主之表未罷而下之

應邪熱內陷也熱內陷者則外熱而無手足溫者熱雖  
內陷然而不深故不結胸心中懊懷不能食者熱客胸  
中為虛煩也熱自胸中薰蒸於上故但頭汗出陽明病  
而身無汗與梔子豉湯以吐胸中之虛煩也

發潮熱大便溏小便自可胸脇滿不去者小柴胡湯主

之陽明病潮熱為胃實大便秘而小便數今大便秘而  
小便自可則胃虛未實故便溏而水穀不別也大便秘

溏者應氣降而胸脇滿去今反不去者邪氣猶在  
在半表半裏之間與小柴胡湯以去表裏之邪陽明病

脇下鞭滿不大便而嘔舌上白胎者可與小柴胡湯上

焦得通津液得下胃氣因和身灑然而汗出解也

陽明病腹

滿不大便舌上胎黃為邪熱入腑可下若脇下鞭滿雖大便而嘔舌上白胎者為邪未入腑在表裏之間與小

柴胡湯以和解之上焦既通則嘔止陽明中風脈弦浮

津液得下則胃氣得和汗出而解

大嘔而短氣腹都滿脇下及心痛手按之氣不通鼻乾

不得汗嗜卧一身及面目悉黃小便難有潮熱時時噦

耳前後腫刺之小差外不解病過十日脈續浮者與小

柴胡湯脈但浮無餘證者與麻黃湯若不尿腹滿加噦

者不治

腹浮大為陽風在表也弦則為陰風在裏也短氣

寒客

於中而痛者按之則寒氣散而痛止此以風熱內

壅故雖久按而氣亦不通也陽明病鼻乾不得卧自汗

出者邪在表也此鼻乾不得汗而嗜卧者風熱內攻不

在表也一身面目悉黃小便難有潮熱時時噦者風熱

攻於胃也陽明之脈出大迎循頰車上耳前過客主人

熱勝則腫此風熱在經故耳前後腫刺之經氣通腫則

小差如此者外證罷則可攻若外證不解雖過十日脈

續浮者邪氣猶在半表裏與小柴胡湯以和解之若其

脈但浮而不弦大無諸裏證者是邪但在表也可與麻

黃湯以發其汗若不尿腹滿加噦者闔格之疾也故云

不治難經曰闔格者

不得盡其命而死

陽明病自汗出若發汗小便自利

者此為津液內竭雖鞭不可攻之當須自欲大便宜蜜

煎導而通之若土瓜根及與大猪膽汁皆可為導

津液內熱

故不可攻宜以藥外治而導引之

### 蜜煎導方

蜜七合一味內銅器中微火煎之稍凝似飴狀攪之勿令焦着欲可丸餅手捻挺令頭銳大如指長二寸許當熱時急作冷則硬以內穀道中以手急抱欲大便時乃去之

### 猪膽汁方

大猪膽一枚瀉汁和醋少許以灌穀道中如一食頃當大便出

陽明病脈遲汗出多微惡寒者表未解也可發汗宜桂

枝湯

陽明病脈遲汗出多尚有邪在裏以微惡寒知表未解與桂枝湯和表

陽明病脈浮

無汗而喘者發汗則愈宜麻黃湯

陽明傷寒表實脈而喘也與麻黃湯以

發汗陽明病發熱汗出此為熱越不能發黃也但頭汗出

身無汗劑頸而還小便不利渴引水漿者此為痰熱在內

身必發黃茵陳湯主之

但頭汗出身無汗劑頸而還者熱不得越也小便不利渴引水

漿者熱甚於胃津液內竭也胃為土而色黃胃為熱蒸則色奪於外必發黃也與茵陳湯逐熱退黃

### 茵陳蒿湯方

茵陳蒿

六兩苦微寒

梔子

十四枚劈苦寒

大黃

二兩去皮苦寒

小熱之氣涼以和之大熱之氣寒以取之茵陳梔子之苦寒以逐胃燥宜下必宜苦以補必以酸大黃之苦寒以下瘀熱也

右三味以水一斗先煮茵陳減六升內二升煮取三升去滓分二服小便當利尿如皂角汁狀色正赤一宿復減黃從小便去也



陽明證其人喜忘者必有蓄血所以然者本有久瘀血故令喜忘屎雖鞭大便反易其色必黑宜抵當湯下之內經曰血并於下亂而喜忘此下本有久瘀血所以喜忘也津液少大便鞭以蓄血在內屎雖鞭大便反易其色黑也與抵當以下瘀血也陽明病下之心中懊懣而煩胃中有燥

屎者可攻腹微滿初頭鞭後必澹不可攻之若有燥屎

者宜大承氣湯

下後心中懊懣而煩者虛煩也當與梔子豉湯若胃中有燥屎者非虛煩也可與

大承氣湯下之其腹微滿初鞭後澹是無燥屎此熱不在胃而在上也故不可攻病人不大便

五六日繞臍痛煩躁發作有時燥屎故使不大便也

不大

便六七日者則大便秘結為燥也胃中燥實不得下通故繞臍痛煩燥發也 病人煩熱汗出

則解又如瘧狀日晡發熱者屬陽明也脈實者宜下之

脈浮虛者宜發汗下之與大承氣湯發汗宜桂枝湯

雖得

陽明證未可便為裏實審脈候以別內外其脈實者熱已入腑為胃實與大承氣湯下之其脈浮虛者是熱未入腑猶在表也可與桂枝湯發汗則愈 大下後六七日不大便煩不解腹

滿痛者此有燥屎也所以然者有宿食故也宜大承氣

湯

大下之後則胃弱不消穀至六七日不大便則宿食已結不消故使煩熱不解而腹滿痛是知有燥屎也

與大承氣湯以下除之 病人小便不利大便乍難乍易時有微熱

喘冒不能卧者有燥屎也宜大承氣湯

小便利大便鞭此有燥屎小便不

利而大便或乍難乍易胃熱者發熱喘冒無時及嗜卧也此燥屎在胃故時有微熱喘冒不得卧也與大承氣

湯以下燥屎

食穀欲嘔者屬陽明也吳茱萸湯主之得湯反

劇者屬上焦也

上焦主內胃為之主食穀欲嘔者胃不受也與吳茱萸湯以溫胃氣得湯反劇

上焦不內也以治上焦之法治之

吳茱萸湯方

吳茱萸

一升洗  
辛熱

人參

三兩  
甘溫

生薑

六兩切  
辛溫

大棗

十二枚擘

甘溫

內經曰寒淫於內治以甘熱佐以苦辛吳茱萸生姜之辛以溫之

右四味以水七升煮取二升去滓溫服七合日三服  
太陽病寸緩關浮尺弱其人發熱汗出復惡寒不嘔但  
心下痞者此以醫下之也如其不汗者病人不惡寒而  
渴者此轉屬陽明也小便數大便必鞭不更衣十日無  
所苦也渴欲飲水少少與之但以法救之渴者宜五苓  
散

太陽病脈陽浮陰弱為邪在表今寸緩關浮尺弱氣漸  
散傳裏則發熱汗出復惡寒者表未解也傳經之邪入

裏裏不和也不嘔但心下痞者醫下之早邪氣留于心  
下也如其不汗者必漸不惡寒而渴太陽之邪轉屬陽

明也若吐若下若發汗後小便數大便鞭者當與小承氣湯和之此不因吐下發汗後小便數大便鞭若是無滿實雖不更衣十日無所苦也俟津液還胃中小便數少大便必自出也渴飲水者少少與之以潤胃氣但審邪氣所在以法救之如脈陽微而汗出少者為自和也渴不止以五苓散是也

汗出多者為太過

脈陽微者邪氣少汗出少者為達當故自和汗出多者反損正氣是汗太

過也

陽脈實因發其汗出多者亦為太過太過為陽絕於

裏亡津液大便因鞭也

陽脈實者表熱甚也因發汗乘熱虛蒸津液外泄致汗出太過

汗出多者亡其陽陽絕於裏腸胃中乾燥大便因鞭也

脈浮而芤浮為陽芤為陰

浮芤相搏胃氣生熱其陽則絕

浮芤相搏陰陽不諧胃氣獨治鬱而生熱消燦

津液為其  
陽絕也

跌陽脈浮而溢浮則胃氣強溢則小便數浮

溢相搏大便則難其脾為約麻仁丸主之

跌陽者脾胃之脈診浮為陽知

為氣強溢為陰知脾為約約者儉約之約人約束之約  
內經曰飲入於胃游溢精氣上輸於脾脾氣散精上歸  
於肺通調水道下輸於膀胱水精四布五經並行是脾  
主為胃行其津液者也今胃強脾弱約未津液不得四  
布但輸膀胱致小便數大  
便難與脾約凡通腸潤燥

麻仁丸

麻子仁

甘平二升

芍藥

半觔

枳實

半觔炙

大黃

一觔去  
皮苦寒

厚朴

一觔去  
皮苦寒

杏仁

去皮尖熬別  
作脂甘溫

內經曰脾欲緩急食甘以緩之麻子杏仁之甘緩脾而潤燥津液不足以酸收之芍藥之酸以飲津液腸燥胃強以苦泄之枳實厚朴大黃之苦下燥結而泄胃強也

右六味為末煉蜜為丸桐子大飲服十九日二服漸加之以知為度

太陽病三日發汗不解蒸蒸發熱者屬胃也調胃承氣湯下之

蒸蒸者如熱薰蒸蒸言甚熱也太陽病三日發汗不解則表邪已罷蒸蒸發熱胃熱為甚與調胃

承氣湯傷寒吐後腹脹滿者與調胃承氣湯

內經曰諸脹腹大皆

屬於熱熱在上焦則吐後不解復腹脹滿者邪熱入胃也與調胃承氣湯下其胃熱

太陽病若吐

若下若發汗微煩小便數大便因鞭者與小承氣湯和

之愈

吐下發汗皆損津液表邪乘虛傳裏大煩者邪在表微煩者邪入裏也小便數大便因鞭者其脾約

也小承氣湯下和之愈

得病二三日脈弱無太陽柴胡證煩躁心

下鞭至四五日雖能食以小承氣湯少少與微和之令

小安至六日與承氣湯一升若不大便六七日小便少

者雖不能食但初頭鞭後必溏未定成鞭攻之必溏須

小便利尿定鞭乃可攻之宜大承氣湯

針經曰脈軟者病將下弱陰脈

當責邪在裏得病二三日脈弱是日數雖淺而邪氣已入裏也無太陽證為表證已罷無柴胡證為無半表半



裏之證煩躁心下鞭者邪氣內甚也胃是熱甚則不能食  
胃虛熱至四五日雖能食亦當與小承氣湯微和之至  
六日則熱甚與大承氣湯一升不大便六七日小便多  
者為津液內竭大便秘則可下之小便少者則胃中  
水穀不別必初鞭後溏雖不能食為胃實以其小便少  
則未定成鞭亦不可攻須小便利尿定鞭乃可攻之

傷寒六七日凡目中不了了睛不和無表裏證大便難

身微熱者此為實也急下之宜大承氣湯

內經曰諸脈者皆屬於目

傷寒六七日正邪氣入裏之時目中不了了睛不和者  
邪熱內甚上熏於目也無表裏證大便難者裏實也身  
大熱者表熱也微熱者裏熱也針經曰熱病目不明熱  
不已者死此目中不了了睛不和則證近危惡也須急  
與大承氣湯下之陽明發熱汗多者急下之宜大承氣湯

邪熱入腑

外發熱汗多者熱迫津液將竭急發汗不解腹滿痛者與大承氣湯以下其腑中之熱也

急下之宜大承氣湯

發汗不解邪熱傳入腑而成腹滿痛者傳之迅也是須急下之腹

滿不減減不足言不當下之宜大承氣湯

腹滿不減邪氣實也經曰

大滿大實自可除之大承氣湯下其滿實若腹滿時減非內實也則不可下金匱要略曰腹滿時減復如故此為寒當與溫藥是減不足言也陽明少陽合病必下利其脈不負者順

也負者失也互相尅賊名為負也脈滑而數者有宿食

也當下之宜大承氣湯

陽明土少陽水二經合病氣不相敵則必下利少陽脈不勝陽

明不負是不相尅為順也若少陽脈勝陽明脈負者是鬼賊相尅為正氣失也脈經曰脈滑者為病實也又曰

滑數則胃氣實下利者脈當微厥冷脈滑數知胃有宿食大承氣湯以下除之病人無表裏證

發熱七八日雖脈浮數者可下之假令已下脈數不解

合熱則消穀善飢至六七日不大便者有瘀血宜抵當

湯七八日邪入腑之時病人無表裏證但發熱雖脈浮數亦可與大承氣湯下之浮為熱客于氣數為熱客於

血下之邪熱去而其浮數之脈俱當解若下後數脈去而脈但浮則是榮血間熱併於胃氣間也當為邪氣獨

留心中則飢邪熱不殺穀潮熱發渴之證此下之後浮脈去而數不解則是胃氣間熱合於榮血間也熱氣合

併迫血下行胃虛協熱消穀喜飢血至下焦若大便利者下血乃愈若六七日不大便則血不得行蓄積於下

為瘀血與抵當湯以下去之若脈數不解而下不止必脇熱而便濃

血也

下後脈數不解而大便者是熱不得泄蓄血於下為瘀血也若下後脈數不解而下利不止者為熱

得下泄迫血下行必便濃血

傷寒發汗已身目為黃所以然者以寒

濕在裏不解故也以為不可下當於寒濕中求之

金匱要略

曰黃家所起從濕得之汗出熱去則不能發黃發汗已身目為黃者風氣去濕氣在也脾惡濕濕氣內着脾色外奪者身目為黃若瘀血在裏發黃者則可下所以寒濕在裏故不可下當從寒濕法治之傷寒七八

日身黃如橘子色小便不利腹微滿者茵陳蒿湯主之

當熱甚之時身黃如橘子色是熱毒發泄於外內經曰膀胱者津液藏焉氣化則能出小便不利小腹滿者熱氣甚於外而津液不得下行也傷寒身黃發熱者梔子與茵陳蒿湯利小便退黃逐熱

藥皮湯主之

傷寒身黃胃有瘀熱當須下去之此以發熱為熱未實與梔子藥皮湯解散之

夫傷寒二日陽明受病陽明病熱者胃中寒宜桂枝湯  
太陽病而發汗汗雖出復不解者轉屬陽明也宜麻黃  
湯陽明病若小便少者津液當還入胃中故也凡發汗  
太過故令大小便難若陽明病當心下緊滿不可汗太  
過宜半夏湯

陽明病若汗出多而微惡寒為外未解無潮熱不可與  
承氣湯也若復大便秘難可與小承氣湯和其胃氣勿令

下多

陽明病脇下堅滿大便閉而嘔口燥宜柴胡湯

陽明病脈實者當下脈浮虛者當汗下者宜承氣湯汗者宜桂枝湯

陽明病發作有時汗不解腹滿痛宜承氣湯

陽明病脈浮發熱無汗表不解渴欲飲水宜白虎湯

梔子蘘皮湯方

梔子

十五個  
苦寒

甘草

一兩  
甘平

黃蘘

二兩

右三味以水四升煮取一升半去滓分溫再服

傷寒瘀熱在裏身必發黃麻黃黃連軹赤小豆湯主之

濕熱相交民多病瘴瘴黃也傷寒為寒濕在表發黃為瘀熱在裏與麻黃黃連軹赤小豆湯除熱散濕

麻黃黃連軹赤小豆湯方

麻黃

二兩甘溫去節

赤小豆

一升甘平

連軹

二兩連軹根也苦寒

大棗

十二

枚甘溫

杏仁

四十個甘溫去皮尖

生梓白皮

一升苦寒

生薑

二兩辛溫切

甘草

內經曰濕上甚而熱治以甘溫佐以甘平以汗為度正此之謂也又煎用潦水者亦取其水味薄故不

助濕  
氣也

已上八味以潦水一斗先煮麻黃再拂去上沫內諸藥煮取三升分溫三服半日服盡

辨少陽病脈證并治第九

少陽之病口苦咽乾目眩也

足少陽膽經也內經曰有病口苦者名曰膽痺甲乙

經曰膽者中精之腑五臟取決於膽咽為之使少陽之脈起於目銳眥少陽受邪故口苦咽乾目眩

中風兩耳無所聞目赤胸中滿而煩者不可吐下吐下

則悸而驚

少陽之脈起於目眥走於耳中其支者下胸中貫膈風傷氣壅則為熱少陽中風氣壅而



熱故耳聾目赤胸滿而煩邪在少陽為半表半裏以吐除煩吐則傷氣氣虛者悸以下除滿下則亡血血虛者驚

傷寒脈弦細頭痛發熱者屬少陽少陽不可發汗發汗則譫

語此屬胃胃和則愈胃不和則煩悸

經曰三部俱弦者少陽受病脈細者

邪漸傳裏雖頭痛發熱為表未解以邪客少陽為半在表半在裏則不可發汗發汗主津液胃中乾燥少陽之邪因傳入胃必發譫語當與調胃承氣湯煎服而下之胃和則愈不下則胃為少陽未邪干故煩悸

本太陽病不解轉入少陽者脇下鞅滿乾嘔不能食往

來寒熱尚未吐下脈沉緊者與小柴胡湯

太陽轉入少陽是表邪入

於裏脇下鞅滿不能食往來寒熱者邪在半表半裏之間若已經吐下脈沉緊者邪陷入腑為裏實未可吐下

而脈沉緊為傳裏雖深未全入腑外邪猶未解也與小柴胡湯以和解之若已吐下發汗溫

鍼譏語柴胡湯證罷此為壞病知犯何逆以法治之陽少

之邪在表裏之間若妄吐下發汗溫鍼損耗津液胃中乾燥木邪干胃必發譏語若柴胡湯證不罷者則不為逆柴胡湯證罷者壞病也詳三陽合病脈浮大上關上

但欲眠睡目合則汗關脈以候夫少陽之氣太陽之脈浮陽明之脈大脈浮上關上知三

陽合病膽熱則睡少陰症眠睡目合則無汗以陰不得有汗但欲眠睡目合則汗知二陽合病膽有熱也傷

寒六七日無大熱其人躁煩者此為陽去入陰故也表

陽裏為陰邪在于表則外有熱六七日常傷寒至四日氣入裏內熱有躁煩者表邪傳于裏也

三陽為盡三陰當受邪其人反能食而不嘔此為三陰

不受邪也

傷寒四日表邪傳裏裏不和則不能食而嘔今反能食而不嘔是邪不傳陰但在陽也

傷寒三日少陽脈小者欲已也

內經曰大則邪至小則平傷寒三日邪傳少陽

脈當弦緊今脈小者邪氣欲已也

少陽病欲解時從寅至辰上

內經曰陽中之

少陽通於春氣寅卯辰少陽木生之時

### 辨論太陰脈證并治第十

太陰脈之為病腹滿而吐食不下自利益甚時腹自痛

若下之必胸下結

太陰為病邪傳裏也太陰之脈布胃中邪氣壅而為腸滿上不得降

者嘔吐而食不下不得上者自利甚時腹自痛陰  
寒在內而為腹痛者則為常痛此陽邪下裏雖痛而亦  
不常痛但時時腹自痛也若下之則陰邪留於  
胸下為結覲經曰病發於陰而反下之因作痞太陰中

風四肢煩疼陽微陰澁而長者為欲愈

太陰脾也主榮  
四末太陰中風

四肢煩疼者風淫末疾也表邪少則微裏和則澁而  
長長者陽也陰病見陽脈則生以陰得陽則解故云欲

愈太陰病欲解時從亥至旦上

脾為陰主土於亥  
子向陽故云解時太陰

病脈浮者可發汗宜桂枝湯

經曰浮為在表沉為在裏  
太陰病脈之浮者邪在經

也故當  
汗散之自利不渴者屬太陰以其藏有寒故也當溫之

宜四逆湯輩

自利而渴者屬少陰為寒在下焦自利不  
渴者屬太陰為寒在中焦與四逆等湯以

溫傷寒脈浮而緩手足自溫者繫在太陰太陰當發身

黃若小便自利者不能發黃至七八日雖暴煩下利日

十餘行必自止以脾家實腐穢當去故也

太陰病七八日大便艱者

為太陰入腑傳於陽明也至七八日暴煩下利十餘行

脾實腐穢去也下利煩燥者死此以脾氣和遂邪下泄

故雖暴煩下利日十餘行而利自止

本太陽病醫反下之因而腹滿痛者屬太陰也桂枝加

芍藥湯主之

表邪未罷反下之邪因乘虛傳於太陰裏氣不和故腹滿時痛與桂枝湯以解表加

芍藥以和裏太實痛者桂枝加大黃湯主之

太實大滿自可除下之故加大

黃以下  
太實

太陰為病脈弱其人續自便利設當行大黃芍

藥者宜減之以其人胃氣弱易動故也

腹滿痛者太陽病也脈弱其人

續自便利則邪雖在裏未成太實欲與大黃芍藥攻滿痛者宜少與之以胃氣尚弱易為動故也

夫傷

寒四日太陰受病腹滿吐食下之益甚時時腹痛心胸

堅滿若脈浮者可發其汗沉者宜攻其裏也發汗者宜

桂枝湯攻裏者宜承氣湯

太陰病不解者雖不暴煩下利十餘行而自止所以自止

者脾家實腐穢已去故也宜橘皮湯

辨少陰病脈證并治第十一

少陰病脈微細但欲寐也

少陰為病脈微細為邪氣傳裏深也邪氣行於陽則寤行

於陰則寐邪傳於少陰則氣行於陰而不行於陽故但欲寐

少陰病欲吐不吐心煩

但欲寐五六日自利而渴者屬少陰也虛故引水自救

若小便色白者少陰病形悉具小便白者以下焦虛有

寒不能制水故令白色也

欲吐不吐心煩者表邪傳裏也若腹滿痛則屬太陰此但

欲寐則知屬少陰五六日邪傳少陰之時自利不渴者寒在中焦屬太陰此自利而渴為寒在下焦屬少陰腎虛水燥渴欲引水自救下焦虛寒不能制水小便色白也經曰下利欲飲水者內有熱故也此下利雖渴然以

小便色自明非裏熱不可不察也

病人脈陰陽俱緊反汗出者亡陽也

此屬少陰法當咽痛而復吐利

脈陰陽俱緊為少陰寒法當無汗反汗出者陽

虛不固也故云亡陽亡陽之症是屬少陰內經曰客邪少陰之絡令人噤痛不可內食少陰寒甚是當咽痛而

腹吐

少陰病欬而下利譌語者被火氣劫故也小便必

難以強責少陰汗也

欬而下利裏寒而亡津液也反以火劫強責少陰汗者津液內竭火氣

煩之故譌語小便難也

少陰病脈細沉數病為在裏不可發汗

少陰

病始得之反發熱脈浮者為邪在經可與麻黃附子細辛湯發汗此少陰病脈細沉數為病在裏故不可發汗

少陰病脈微不可發汗亡陽故也陽已虛尺脈弱瀋者



復不可下之

脈微為亡陽表虛不可發汗脈弱瀉為亡陽裏虛復不可下

少陰病脈

緊至七八日自下利脈暴微手足反溫脈緊反去者為

欲解也雖煩下利必自愈

少陰病脈緊者寒甚也至七八日傳經盡欲解之時自下

利脈暴微者寒氣得泄也若陰寒勝正陽虛而泄者則手足厥而脈紫不去今手足反溫脈紫反去知陽氣復

寒氣去故為欲解下利煩躁者逆此正勝邪微雖煩下利必自止

少陽病下利若利自

止惡寒而踈卧手足溫者可治

少陽病下利惡寒踈卧寒極而陰甚也利自止

手足溫者裏和陽氣得復故為可治也

少陰病惡寒而踈時自煩欲去衣

被者可治

惡寒而踈陰寒甚也時時自煩躁欲去衣被為陽氣得復故云可治

少陰中風

脈陽微陰浮法為欲愈

少陰中風陽脈當浮而陽脈微者表邪緩也陰脈當沉而陰脈

浮者裏氣和也陽中有陰陰中有陽陰陽調和故為欲愈少陰病欲解時從子至寅

上也

陽生於子子生一陽丑為二陽寅為三陽少陰解於此者得陽則解也

少陰病吐利

手足不逆冷反發熱者不死脈不至者灸少陰七壯

經曰

病吐利燥煩四逆者死吐利手足不厥冷者則陽氣不衰雖反發熱不死脈不至者吐利暴虛也灸少陰七壯

以通其脈

少陰病八九日一身手足盡熱者以熱在膀胱必

便血也

膀胱太陽也少陰太陽為表裏少陰病至八九日寒邪變熱腹傳太陽太陽為諸陽主氣熱在

太陽故一身手足盡熱太陽經多血少氣為熱所乘則血散下行必便血也

少陽病但厥無

汗而強發之者必動其血未知從何道出或從口鼻或

從目出是名下厥上竭為難治

但厥無汗熱行入於裏也而強發汗虛其經絡熱乘

經虛迫血妄行從虛而出或從口鼻或從目出諸厥者皆屬於下但厥血亡於上為上之竭傷氣損血邪甚正

虛故為難治

少陰病惡寒身踈而利手足逆冷者不治

針經曰多

熱者易已多寒者難治此內外寒極純陰無陽故云不治也

少陰病吐利躁煩四逆

者死

四逆惡寒而身倦則寒甚脈不至則真氣絕煩熱也躁亂也若憤躁之躁從煩至躁為熱來有漸則

猶可不煩而躁是氣欲脫而爭也譬猶燈將滅而暴明其能久乎

少陰病六七日息高

者死

腎為生氣之源呼吸之門少陰六七日不愈而息高者生氣斷絕也

少陰病脈微細

沉但欲卧汗出不煩自欲吐至五六日自利復煩躁不

得卧寐者死

陰氣方盛至五六日傳經盡陽氣得復則愈反更自利煩躁不得卧寐則正氣弱陽

不得復病勝藏故死

少陰病始得之反發熱脈沉者麻黃附子

細辛湯主之

少陰病當無熱惡寒反發熱者邪在表也雖脈沉以始得而邪氣未深亦當溫劑發

汗以散之

麻黃附子細辛湯方

麻黃

二兩去節甘熱

細辛

二兩甘熱

附子

一枚

炮去皮破八片辛熱

內經曰寒淫於內治以甘熱佐以苦辛故用麻黃之甘以解少陰之寒細辛附子之辛以溫少陰之

經

右三味以水一斗先煮麻黃減二升去上沫內藥煮  
取三升去滓溫服一升日三服

少陰得之二三日麻黃附子甘草湯微發汗以二三日

無裏証故微發汗也

二三日邪未深也既無吐利厥逆諸  
裏證則可與麻黃附子甘草湯微汗

以散  
之

麻黃附子甘草湯方

麻黃

二兩  
去節

甘草

二兩  
炙

附子

一枚  
去皮

炮

麻黃甘草之甘以散表  
寒附子之辛以溫寒氣

右三味以水七升先煮麻黃一兩沸去上沫內諸藥  
煮取三升去滓溫服一升日三服

少陰病得之二三日以上心中煩不得卧黃連阿膠湯

主之

脈經曰風傷陽寒傷陰少陰受病則得之於寒二  
三日已上寒極變熱之時熱煩於內心中煩不得  
卧也與黃連阿膠

湯扶陰散熱邪

黃連阿膠湯方

黃連

四兩

黃芩

一兩

芍藥

二兩

雞子黃

二枚

阿膠

二兩  
甘溫

陽有餘以苦除之黃芩黃連之苦以除熱陰不足以甘補之雞黃阿膠之甘以補血酸收也泄也芍藥之酸收陰氣而泄邪熱

右五味以水五升先煮三物取二升去滓內膠烺盡少冷內雞子黃攪合相得溫服七合三服

少陰病得之一二日口中和其背惡寒者當灸之附子

湯主之

少陰客熱則口燥舌乾而渴口中和者不苦不燥是無熱也背為陽背惡寒者陽氣弱陰勝也

經曰無熱惡寒者發於陰也灸之助陽消陰與附子湯溫經散寒

# 附子湯方

附子

二枚破八片  
去皮辛熱

茯苓

三兩  
甘平

人參

三兩  
甘溫

白朮

四兩  
甘溫

芍藥

三兩  
酸平

辛以散之附子之辛以散寒甘以緩之茯苓人參白朮之甘以補陽酸以收之芍藥之酸以扶陰所以然者偏陰偏陽則為病火欲實水當平之不欲偏勝也

右五味以水八升煮取三升去滓溫服一升日三服

少陰病身體痛手足寒骨節痛脈沉者附子湯主之

少陰

腎水而主骨節身體疼痛肢冷手足寒脈沉故當與附子湯溫經



桃花湯方

赤石脂

一觔一半全用

乾薑

一兩

粳米

一升

右三味以水七升煮米令熟去滓溫服七合內赤石

脂末方寸匕日三服若一服愈餘勿服

少陰病二三日至四五日腹滿小便不利下利不止便

膿血者桃花湯主之

二三日以至四五日寒邪入裏深也腹痛者裏寒也小便不利者水

穀不別也下利不止便膿血者腸胃虛弱下焦不固也與桃花湯同腸止利也

少陰病吐利手足厥冷煩躁欲死者吳茱萸湯主之

吐利

手足厥冷則陰寒氣甚煩躁欲死者  
陽氣內爭與吳茱萸湯助陽散寒

少陰病下痢咽痛胸滿心煩者猪膚湯主之

少陽之脈從腎上貫

於肝膈入肺中則循喉嚨其支別者從肺出絡心注胸中邪自陽經傳於少陰陽虛客熱下利咽痛胸滿心煩也與猪膚湯調陰散熱

猪膚湯方

猪膚

一觔甘寒

右一味以水一斗煮取五升去滓加白蜜一升白粉

五合熬香和相得溫分六服

少陰病二三日咽痛者可與甘草湯不差者與桔梗湯  
陽邪傳與少陰邪熱為咽痛服甘草湯則差若寒熱相傳為咽痛者服甘草湯若不差與桔梗湯以和少陰之氣

甘草湯方

甘草

二兩

右一味以水三升煮取一升半去滓溫服七合日二服

桔梗湯方

桔梗

一兩辛  
甘微溫  
甘草二兩  
甘平

桔梗辛溫以散寒甘草味甘平  
以除熱甘溫相合以調寒熱

右二味以水三升煮取一升去滓分溫再服

少陰病咽中傷生瘡不能語言聲不出者苦酒湯主之

凡熱傷於絡則經絡乾燥使咽中傷生瘡不能  
語言聲不能出與苦酒湯以解絡熱愈咽痛

苦酒湯方

半夏

洗破如棗核大  
十四枚辛溫

鷄子

一枚去黃內上苦  
着鷄子殼中甘微寒

右二味內半夏着苦酒中以雞子殼置刀鐸中安火

上令三沸去滓少少含嚥之不差更作三劑

少陰病咽中痛半夏散及湯主之

甘草湯主少陰客熱咽痛桔梗湯主少陰寒

熱相搏痛半夏散及湯主少陰客熱咽痛也

半夏散及湯方

半夏

洗辛溫

桂枝

去皮辛熱

甘草

炙甘平以  
上各等分

已上三味各別搗篩已合治之白飲和服方寸匕日三服若不能散服者以水一升煎七沸內散用一兩更煎三沸下火令少冷嚥之

少陰病下利白通湯主之

少陰者主水也少陰客寒不能制水故自利也白通湯溫

裏散寒

# 白通湯方

葱白

四辛溫

乾薑

一兩辛熱

附子

一枚生用去皮破八片辛熱

內經曰腎苦燥急食辛以潤之葱白之辛以通陽氣生薑附子之辛以散陰寒

右三味以水三升煮取一升去滓分溫再服

少陰病下利脈微者與白通湯利不止厥逆無脈乾嘔煩者白通加猪膽汁湯主之服湯脈暴出者死微續者生

少陰病下利脈微為寒極陰勝與白通湯復陽散寒服湯利不止厥逆無脈乾嘔煩者寒氣太甚內為格拒陽氣逆亂也與白通湯和猪膽汁湯以和之內經曰逆而從之從而逆之入曰逆者正治從者反治此之謂也服湯脈暴出者正氣因發泄而脫也故死微續者陽氣漸復也故生

白通加猪膽汁方

葱白

四

乾薑

兩一

附子

一枚生去

皮破八片

人尿

五合

猪膽汁

一合  
苦寒

內經曰苦調寒熱之逆冷熱必行則熱物冷服下噤之後冷體既消熱性便發由是病氣隨愈嘔噦皆除情且不違而致大益此和人尿猪膽汁鹹苦寒物於白通湯熱劑中要其氣相從則可以去格

拒之  
寒也

已上三味以水三升煮取一升去滓內膽汁人尿  
和令相得分溫再服若無膽汁亦可用

少陰病二三日不已至四五日腹痛小便不利四肢沉  
重疼痛自下利者此為有水氣其人或欬或小便利或

下利或嘔者真武湯主之

少陰病二三日則邪氣猶淺至四五日邪氣已深腎主水

腎病不能制水水飲停為水氣腹痛者寒濕內甚也四肢沉重疼痛寒濕外甚也小便不利自下利者濕勝而水氣不別也內經曰濕勝則濡泄真武湯益陽氣散寒濕



真武湯方

茯苓

甘平二兩

芍藥

酸平三兩

附子

二枚炮破八片

辛熱

生薑

辛溫三兩

白朮

甘溫二兩

脾惡濕甘先入脾茯苓白朮之甘以益脾逐水寒淫所勝平以辛熱濕淫所勝佐以酸平附子芍藥生薑之酸辛溫經散濕

右五味以水八升煮取三升去滓溫服七合三日服

後加減法若欬者加五味子半升細辛乾薑各一兩

氣逆欬者五味子之酸以收逆氣水寒相搏則欬細辛乾薑之辛以散水寒若小便利者

去茯苓

水便利則無伏

若下利者去芍藥加乾薑二

兩

芍藥之酸泄氣乾薑之辛散寒

若嘔者去附子加生薑前成半觔

氣逆則嘔附子補氣生薑散氣千金曰凡嘔家多服生薑此為嘔家聖藥

少陰病下利清穀裏寒外熱手足厥逆脈微欲絕身反

不惡寒其人面赤色或腹痛或乾嘔或咽痛或利止脈

不出者通脈四逆湯主之

下利清穀手足厥逆脈微欲絕為裏寒身熱不惡寒面色

赤為外熱此陰甚於內陽格于外不相通也與通脈四逆湯散寒通陽氣

通脈四逆湯方

甘草

二兩炙

附子

大者一枚生用去皮破八片

乾薑

三兩強人可四兩

右三味以水三升煮取一升二合去滓分溫再服其

脈即出者愈面色赤者加葱玖條

葱味辛以通陽氣

腹中痛

者去葱加芍藥二兩

芍藥之酸通氣利腹中痛為氣不通也

嘔者加生

薑二兩

辛以散之嘔為氣不散也

咽痛者去芍藥加桔梗一兩

咽中

痛加桔梗

利止脈不出者去桔梗加人參二兩

利止脈不

出者亡血也加人參以補之經曰脈微而利亡血也四逆加人參湯主之脈病皆與方相應乃可服之

少陰病四逆其人或欬或悸或小便不利或腹中痛或

泄利下重者四逆散主之

在四逆者四肢不溫也傷寒邪在三陽則手足必熱傳到太

陰手足自溫至少陰則熱邪漸深故四肢逆而不溫也及至厥陰手足厥冷是又甚於逆四逆散宣傳陰之熱也

### 四逆散方

甘草

炙甘平

枳實

破水漬炙乾苦寒

柴胡

苦寒

芍藥

內經曰熱淫於內佐以甘苦以酸收之以苦發之枳實甘草之甘苦以泄裏熱芍藥之酸以收陰氣柴

胡之苦以發表熱

右四味各分搗篩白飲和服方寸匕日三服欬者加

五味子乾薑各五分并主下痢

肺寒氣逆則欬五味子之酸收逆氣乾薑

之辛散肺寒并主下痢者肺與大  
腸為表裏上欬下痢治則頗同  
悸者加桂枝五分

茯苓味甘而淡用以滲泄  
腹中痛者加附子一枚炮令坼  
裏虛遇邪則痛

加附子以補虛  
泄利下重者先以水五升煮薤白三升煮取

三升去滓以散三方寸匙內湯煮取一升半分溫再

服  
泄利下重者下焦氣滯也加薤白以泄氣滯

少陰病下利六七日欬而嘔渴心煩不得眠者猪苓湯

主之  
下利不渴者裏寒也經曰自利不渴者屬太陰以其藏寒故也此下利嘔渴知非虛寒心煩不得眠

知協熱也與猪苓湯滲泄小便分別水  
殺經曰復不止當利其小便此之謂歟  
少陰病得之二

三日口燥咽乾者急下之宜大承氣湯

傷寒傳經五六日邪傳少陰則

口燥古乾而渴為邪漸深也今少陰病得之二三日邪氣未深入之時便作口燥咽乾者是邪熱已甚腎水乾也急與大承氣湯下之以全腎也少陰病自利清水色純青心下必痛

口乾燥者急下之宜大承氣湯

少陰腎水也青肝色也自利色青為肝邪乘腎

難經曰從前來者為實邪以腎蘊實邪必心下痛口乾燥也與大承氣湯以下實邪

少陰病六七

日腹脹大不便者急下之宜大承氣湯

此少陰入府也六七日少陰之

邪入府之時陽明內熱壅甚腹滿不大便也陽明病土勝腎水則乾急與大承氣湯下之以救腎水

少陰

病脈沉者急溫之宜四逆湯

既吐且利小便復利而大汗出下利清水內寒外熱

脈微欲絕者不云急溫此少陰病脈沉而云急溫者彼雖寒甚然而證已形見於外治之則有成法此初頭脈沉未有形證不知邪氣所之將發何病是急與四逆湯溫之少陰病飲食入口則吐

心中溫溫欲吐復不能吐始得之手足寒脈弦遲者胸

中實不可下也當吐之若膈上寒飲乾嘔者不可吐也急

溫之宜四逆湯

傷寒表邪傳裏至于少陰少陰之脈從肺出絡心注於胸中邪既留於胸中而

不散者飲食入口則吐心中溫溫欲吐陽受氣於胸中邪既留於胸中則陽氣不得宣發於外是以始得之手足寒脈弦遲此是胸中實不可下而當吐其膈上有寒飲亦使人心溫溫而手足寒吐則物出嘔則物不出吐與嘔別焉胸中實則吐而物出若膈上有寒飲則但乾嘔而不吐也此不可吐可與四逆湯以溫其膈也少

陰病下利脈微澁嘔而汗出必數更衣反少者當溫其

上灸之

脈微為亡陽澁為亡血下利嘔而汗出亡陽亡血也津液不足裏有虛有寒必數更衣反少者

溫其上以助其陽也灸之以消其陰少陰病身體痛手足寒脈沉者宜四

逆湯

### 辨厥陰病脈證并治第十二

厥陰之為病消渴氣上撞心中疼熱飢而不欲食食則

吐衄下之利不止

邪傳厥陰則熱已深也邪自太陽傳至太陰則腹滿而嘔乾未成渴也邪

至少陰者口燥咽乾而渴未成消也至厥陰成消渴者熱甚能消水故也飲水多而小便少者謂知消渴未生



於火肝氣通心厥陰客熱陰氣上撞心中疼熱傷寒  
六日厥陰受病之時為傳經盡則當入腑胃氣虛客熱  
飢不欲食虵在胃中無食則動聞食嗅而出得食吐虵此  
熱在厥陰經也若便下之虛其胃氣厥陰未邪相乘必  
吐下厥陰中風脈微浮為欲愈不浮為未愈經曰陰病見陽脈而

生浮者陽也厥陰中風脈微浮厥陰病欲解時從丑至  
邪氣還表向汗之時故云欲愈

卯上邪至厥陰為傳經盡欲厥陰本也厥陰病渴欲飲  
王於卯丑寅向王故為之解時

水者少少與之愈邪至厥陰為傳經盡欲汗之時渴欲得水者少少與之胃氣得潤則愈

諸四逆厥者不可下之虛家亦然四逆者四肢不溫也厥者手足冷也時陽

氣少而陰氣多故不可下虛家亦然下之是傷寒先厥  
為重虛金匱玉函曰虛者十補勿瀉之也

後發熱而利者必自止見厥復利

陽氣勝則厥逆而利陽氣復則發熱利必

自止見厥則陰氣還勝而復利也

傷寒始發熱六日厥反九日而利凡厥

利者當不能食今反能食者恐為除中食以素餅不發

熱者知胃氣尚在必愈恐暴熱來出而復去也後三日

脈之其熱續在者期之旦日夜半愈所以然者本發熱

六日厥反九日復發熱三日并前六日亦為九日與厥

相應故期之旦日夜半愈後三日脈之而脈數其熱不

罷者此為熱氣有餘必發癰膿也

始發熱邪在表也至六日邪傳厥陰陰氣勝

者作厥而利厥反九日陰寒氣多當不能食而反能食者恐為除中除去也中胃氣也言邪氣大甚除去胃氣欲飲食自救故暴能食此欲勝也食以素餅試之若胃氣絕得麵則必發熱而不發熱者胃氣尚在也恐是寒極變熱因暴熱來而復去使之能食非除中也金匱要略曰病人素不能食而反暴思之必發熱後三日脈之其熱續在陽氣勝也期之旦日夜半而愈若旦日不愈後三日脈數而熱不罷者為熱氣有餘必發癰膿經曰數脈不時則傷寒脈遲六日而反與黃芩湯徹其熱脈遲生惡瘡

傷寒脈遲六日而反與黃芩湯徹其熱脈遲

為寒今與黃芩湯復除其熱腹中應冷當不能食此名

除中必死

傷寒脈遲六七日為寒氣已深反與黃芩湯寒藥兩寒相傳腹中當冷冷不消穀則不能

食反能食者除中也四時皆以胃氣為本胃氣已絕故云必死

傷寒先厥後發熱下利

必自止而反汗出咽中痛者其候為痺發熱無汗而

利必自止若不止必便膿血便膿血者其候不痺

傷寒先厥

而利陰寒氣勝也寒極而變熱後發熱下利必自止而反汗出咽中痛其候為痺者熱氣上行也發熱無汗而利必自止利不止便膿血者熱氣不

傷寒一二日至四

五日而厥者必發熱前熱後厥厥深者熱亦深厥微者熱

亦微應下之而反發汗者必口傷爛赤

前厥後發熱者寒極生熱也前

熱後厥者陽氣內陷也厥深熱深厥微熱微隨陷之深淺也熱深必須下洩之反發汗者引熱上行必口傷爛赤內經曰火氣傷寒病厥五日熱亦五日設六日當復

厥不厥者自愈厥終不過五日故知自愈

陰勝則厥陽勝則熱先厥五日為陰

勝至六日陽復勝熱亦五日後復厥者陰復勝若不厥為陽全勝故自愈經曰發熱四日厥反三日復熱四日

厥少熱多其病為愈凡厥者陰陽氣不相順接便為厥厥者手足

逆冷是也

手三陰三陽接於手十指足之三陰三陽接於足十指陽氣內陷陽不與陰相順接故手足

為之厥冷也

傷寒脈微而厥至七八日膚冷其人躁無暫安

時者此為藏厥非為虵厥也虵厥者其人當吐虵令病

者靜而復時煩此則為藏寒虵上入膈故煩須臾復止

得食而嘔又煩者虵聞食臭出其人當自吐虵虵厥者

烏梅圓主之又主久利方

藏厥者死陽氣絕也虵厥雖厥而煩吐虵已則靜不若藏

厥而躁無暫安時也病人藏寒胃虛虵動上膈聞食臭出因而吐虵烏梅圓溫藏安蟲即愈

烏梅圓方

烏梅

三百個味酸溫

細辛

六兩辛熱

乾薑

十兩溫

辛熱

黃連

一觔苦寒

當

歸

四兩辛溫

附子

六兩辛熱

蜀椒

四兩汗辛

桂枝

六兩辛熱

人參

六兩

甘黃蘗

六兩苦寒

肺主氣肺欲收急食酸以收之烏梅之酸以收陽氣脾氣欲緩急食甘以緩之人參之甘以緩脾氣寒淫於內以辛潤之以苦堅之當歸桂枝細辛之辛以潤內寒寒淫所勝平以辛熱薑附之辛熱以

勝寒虵得甘則動得苦則  
安黃連黃蘗之苦以安虵

右十味異搗篩合治之以苦酒漬烏梅一宿去核蒸  
之五升米下飯熟搗成泥和藥令相得內臼中與蜜  
杵二千下圓如梧桐子大先食飲服十圓日三服稍  
加至二十圓禁生冷滑物臭物等

傷寒熱少厥微指頭寒默默不欲食煩躁數日小便利  
色白者此熱除也欲食得其病為愈若厥而嘔胸脇煩  
滿者其後必便血

指頭寒者是厥微熱少也默默不欲  
食煩躁者邪熱初傳裏也數日之後

小便色白裏熱去欲得食為胃氣已和其病為愈厥陰之脈挾胃貫膈布脅肋厥而嘔胸脇煩滿者傳邪之熱甚於裏也厥陰肝主血後數日熱不去又不得外泄迫血下行必致使血病者手足厥冷不

結胸小腹滿按之痛者此冷結在膀胱關元也

手足厥不結胸

者無熱也小腹滿按之痛下焦冷結也

傷寒發熱四日厥反三日復熱四日

厥少熱多其病當愈四日至七日熱不除者其後必便

膿血

先熱後厥者陽氣邪傳裏也發熱為邪氣在表至四日後厥者傳之陰也後三日復傳陽經則復熱

厥少則邪微熱多為陽勝其病為愈至七日傳經盡熱除則愈熱不除者為熱氣有餘內搏厥陰之血其後必

大便傷寒厥四日熱反三日復厥五日其病為進寒多



熱少陽氣退故為進也

傷寒陰勝者先厥至四日邪傳裏重陰必陽却熱三日七日傳

經盡當愈若不愈而復厥者傳作再經至四日則當復熱若不復熱至五日厥不除者陰勝於陽其病進也

傷寒六七日脈微手足厥冷煩躁灸厥陰厥不還者死

傷寒六七日則正氣當復邪氣當罷脈浮身熱為欲解若煩反微而厥則陰勝陽也煩躁者陽虛而爭也灸厥

陰以復其陽厥不還則傷寒發熱下利厥逆衆不得卧陽氣已絕不能復而死

者死

傷寒發熱邪在表也下利厥逆陽氣虛也燥不得卧者病勝藏也故死

傷寒發熱下

利厥不止者死

金匱要略曰六腑氣絕於外者手足寒五臟氣絕於內者利下不禁傷寒發熱

為邪氣獨甚不利至甚傷寒六七日下利便發熱而利厥不止為臟氣絕故死

其人汗出不止者死有陰無陽故也

傷寒至七日為邪正爭之時正勝則生

邪勝則死始不下利而暴忽發熱下利汗出不止者邪氣勝正陽氣脫也故死

傷寒五六日不

結胸腹濡脈虛復厥者不可下此為亡血下之死

傷寒五六

日邪氣當作裏實之時若不結胸而腹濡者裏無熱也脈虛者亡血也復厥者陽氣少也不可下下之為裏虛故死金匱玉函曰虛者重瀉直氣乃絕

發熱而厥七天下利者為難治

發熱

而厥邪傳裏也至七日傳經盡則正氣勝邪當汗出而解反下利則邪氣勝裏氣虛則為難治

傷寒脈

促手足厥逆者可灸之

脈促則為陽虛不相續厥則為陽虛不相接灸之以助陽氣

傷寒脈滑而厥者裏有熱也白虎湯主之

滑為陽厥氣內陷是裏熱

也與白虎湯以散裏熱也手足厥寒脈細欲絕者當歸四逆湯主之  
手足厥寒者陽外虛不溫四支脈細欲絕者陰血內弱脈行不利當歸四逆湯助陽生陰也

當歸四逆湯方

當歸

三兩  
辛熱

桂枝

三兩  
辛熱

芍藥

三兩  
酸寒

細辛

三兩  
辛熱

大棗

十二

五個  
甘溫

甘草

三兩  
甘平

通草

三兩  
甘平

內經曰脈者血之府也諸血者皆屬心通脈者必先補心益血苦先入於心當歸之苦以助心血心苦緩急食酸以收之大棗甘草通草之甘以緩陰血

右七味以水八升煮取三升去滓溫服一升日三服

若其人內有久寒者宜當歸四逆加吳茱萸生薑湯主

之

茱萸辛溫以散久寒生薑辛溫以行陽氣

大汗出熱不去內拘急四肢疼

又下利厥而惡寒者四逆湯主之

大汗出則熱當去熱反不去者亡陽也內

拘急下利者寒甚於裏四肢疼逆而惡寒者寒甚於表與四逆湯復陽散寒

大汗若大下利

而厥冷者四逆湯主之

大汗若大下利內外雖殊其亡津液損陽氣則一也陽虛陰勝

故生厥逆與四逆湯固陽退陰

病人手足厥冷脈乍緊者邪結在胸中

心中滿而煩饑不能食者病在胸中當須吐之宜瓜蒂

散

手足厥冷者邪氣內陷也脈緊牢者為實邪氣入府則脈沉今脈乍緊知邪結在胸中為實故心下滿飽

而煩胃中無邪則喜餓以病在胸中雖傷寒厥而心下

悸者宜先治水當服茯苓甘草湯却治其厥不尔水漬

入胃必作利也

金匱要略以為水停心下甚者則悸厥雖寒勝然以心下悸為水飲內甚先與

茯苓甘草湯治其水而後治其厥若傷寒六七日大下

後寸脈沉而遲手足厥逆下部脈不至咽喉不利唾膿

血泄利不止者為難治麻黃升麻湯主之

傷寒六七日邪傳厥陰之

時大下之後下焦氣虛陽氣內陷寸脈遲而手足厥逆下部脈不至厥陰之脈本貫膈上注肺循咽喉厥陰隨經射肺因亡津液遂成肺痿咽喉不利而唾膿血也金匱要略曰肺痿之病從何得之被快樂下利重亡津液

故得之若泄利不止者為裏氣虛故云  
難治與麻黃升麻湯以調肺肝之氣

# 麻黃升麻湯方

麻黃

二兩半去節甘溫

升麻

一兩二分甘溫

當歸

一兩一分辛溫

知母

苦寒

黃芩

苦寒

萎蕤

甘平各十八銖

石膏

碎綿裹甘寒

白朮

甘溫

芍藥

酸平

天門冬

去辛甘平

桂枝

辛熱

茯苓

甘平

炙甘草

各十銖

玉函曰大熱之氣寒以取之甚熱之氣以汗發之  
麻黃升麻之甘以發浮熱正氣虛者以辛潤之當  
歸桂薑之辛以散寒上熱者以苦泄之知母黃芩之  
苦涼心去熱津液少者以甘潤之茯苓白朮之甘  
緩脾生津液肺燥氣熱以酸收之以甘緩之芍藥  
之酸以斂逆氣萎蕤門冬石膏甘草之甘潤肺除

熱

右十四味以水一斗先煮麻黃一兩沸去上沫內諸藥煮取三升去滓分溫三服相去如炊三斗米頃令盡汗出愈

傷寒四五日腹中痛若轉氣下趣少腹者此欲自利也

傷寒四五日邪氣傳裏之時腹中痛轉氣下趣少腹者裏虛過寒寒氣下行欲作自利也

傷寒本自

寒下醫復吐下之寒格更逆吐下若食入口即吐乾薑

黃連黃芩人參湯主之

傷寒邪自傳表為本自寒下醫反吐下損傷正氣寒氣內格拒

經曰格則吐逆食入口即吐謂之寒格更復吐下則重虛而死是更逆吐下與乾薑黃連黃芩人參湯以通寒格

# 乾薑黃連黃芩人參湯方

乾薑

辛熱

黃連

苦寒

黃芩

苦寒

人參

甘溫

各三兩

辛以散之甘以緩之乾薑人參之甘辛以補正氣苦以泄之黃連黃芩之苦以通其胸中之寒格

## 右四味以水六升煮取二升去滓分溫再服

## 下利有微熱而渴脈弱者今自愈

下利陰寒之疾反大熱者逆有微熱而渴

裏氣方溫也經曰諸弱發熱脈弱者陽氣得復也今必自愈

## 下利脈數有微熱汗出



令自愈設復緊為未解

下利陰病脈數陽脈者生微熱汗出陽氣得通

也利必自愈諸緊為寒若復脈緊陰氣猶勝故云未解

下利手足厥冷無脈者灸

之不溫若脈不還反微喘者死

下利手足厥逆無脈者陰氣獨勝陽氣大虛也

灸之陽氣復手足溫而脈還為欲愈若手足不溫脈不還者陽已絕也反微喘者陽脫也

少陰負跌

陽者為順也

少陰腎水跌陽脾土下利為腎邪干脾水不勝土則為微邪故為順也

下利

寸脈反浮數尺中自濇者必清膿血

人病下利者脈當沉而遲反浮數者

裏有熱也濇為無血尺中自濇者腸胃血散也隨利下必便膿血清與圓通脈經曰清者廁也

下利清

穀不可攻表汗出必脹滿

下利者脾胃虛也胃為津液之主發汗亡津液則胃氣愈

虛必下利脈沉弦者下重也脈大者為未止脈微弱數

者為欲自止雖發熱不死

沉為在裏弦為拘急裏氣不足是主下重大則病進此利

未止脈微弱數者邪氣微而陽復為欲自止雖發熱止由陽勝非大逆也

下利脈沉而遲其

人面少赤身有微熱下利清穀者必鬱胃汗出而解病

人必微厥所以然者其面戴陽下虛故也

下利清穀脈沉而遲裏有

寒也面少赤身有微熱表未解也病人微厥針經曰下虛則厥表熱欲解臨汗之時以裏先虛必鬱胃然後汗

出而解也下利脈數而渴者令自愈設不差必清膿血以有

熱故也

經曰脈數不解而不止必協熱而便膿血也

下利後脈絕手足厥冷晬

時脈還手足溫者生脈不還者死

下利後脈絕手足厥冷者無陽也晬時周

時也周時厥愈脈出為陽氣復則生其手足不溫脈不還者為陽氣絕則見死也

傷寒利日十

餘行脈反實者死

下利者裏也脈當微而反實者病勝藏也故死難經曰脈不應病病不應脈

是為死病

下利清穀裏寒外熱汗出而厥者通脈四逆湯主

之

下利清穀為裏寒身熱不解為外熱汗出陽氣通行於外則未當厥其汗出而厥者陽氣太虛也與通脈

四逆湯以固陽氣

熱利下重者白頭翁湯主之

下利津液少熱則傷氣乘虛下

利致後重也與白頭翁湯散熱厚陽

白頭翁湯方

白頭翁

三兩苦寒

黃連

苦寒

黃柏

苦寒

秦皮

苦寒

各三兩

內經曰賢欲堅急食苦以堅之利則下焦虛是以純苦之劑堅之

右四味以水七升煮取二升去滓溫服一升不愈更

服一升

下利腹脹滿身體疼痛者先溫其裏乃攻其表溫裏四

逆湯攻表桂枝湯

下利腹脹滿者裏有虛寒先與四逆湯溫裏身疼痛為表未解利止裏和與

桂枝湯

下利欲飲水者以有熱故也白頭翁湯主之

利

不渴為藏寒與四逆湯以溫藏下利飲水為有熱與白頭翁湯以涼中

下利譫語者有燥

屎也宜小承氣湯

經曰實則譏語有燥屎為胃實下利為腹虛與小承氣湯以下燥屎也

下利後更煩按之心下濡者為虛也宜梔子豉湯

下利後

不煩為欲解若更煩而心下堅者恐其谷煩此煩而心下濡者是邪熱乘虛客於胸中為虛煩也與梔子豉湯

吐之嘔家有癰膿者不可治嘔膿盡自愈

胃脘有癰則嘔而吐膿不

可治嘔得膿

盡嘔亦自愈嘔而脈弱小便復利身有微熱見厥者難

治四逆湯主之

嘔而脈弱為邪氣傳裏嘔則氣上逆而小便不當不利小便復利者裏虛也身有

微熱見厥者陰勝陽也為難

乾嘔吐涎沫頭痛者吳茱

萸湯主之

乾嘔吐涎沫者裏寒也頭痛者寒嘔而發熱氣上攻也與吳茱萸湯溫裏散寒

者小柴胡湯主之

經曰嘔而熱者柴胡湯可用

傷寒大吐大下之極

虛復極汗出者以其人外氣怫鬱復與之水以發其汗

因得噦所以然者胃中寒冷故也

大吐大下胃氣極虛復極發汗以亡陽氣

外邪怫鬱於表則身熱醫與之水以發其汗胃虛得水虛寒相搏成噦也

傷寒噦而腹滿視

其前後如何部不利之則愈

噦而腹滿氣上而不下也視其前後部有不利

者即利之以降其氣前部者小便也後部者大便也

夫傷寒六七日煩滿而囊縮此則毒氣在臟可下而愈

宜小承氣湯

傷寒六日身體熱惡風頸項強脇下滿手足溫而渴宜小柴胡湯

傷寒六日陽脈溢陰脈弦當腹中急痛先與建中湯不差宜大柴胡湯

傷寒六日發汗吐下後虛煩不得劇者心神顛倒宜服梔子湯

傷寒六日已發熱及下之其人胸脇滿大腸微結小腸不利不嘔但頭汗出往來寒熱而煩此為未解宜小柴

胡桂枝湯

傷寒六日發熱微惡寒肢節煩疼心下支滿外證未去  
宜柴胡桂枝湯

傷寒六日大下之後身熱不去心中結痛此為欲解宜  
梔子湯

傷寒六日之後胸滿煩驚小便不利譫語一身不可轉  
側宜柴胡湯

傷寒六日不解結胸在裏但熱時時惡風大渴舌乾煩



燥宜白虎湯

傷寒六日風濕相搏身體疼痛不能轉側脈浮虛而濇宜朮附湯

傷寒病六日後八日九日如瘧熱多寒少一日再發其脈微緩者為欲愈脈微而惡寒者為陰陽俱虛不可復吐下也發汗面色赤有熱者為欲解宜服桂枝麻黃湯

普濟方卷一百二十八

# 欽定四庫全書

子部

普濟方卷一百

二十九  
三十

詳校官太醫院院使<sub>臣</sub>張聲基

編修<sub>臣</sub>倉聖脈覆勘

總校官庶吉士<sub>臣</sub>倉聖脈

校對官中書<sub>臣</sub>王鍾泰

謄錄監生<sub>臣</sub>崔鶴立

欽定四庫全書

普濟方卷一百二十九

明周王朱橚撰

傷寒門

辨傷寒熱病兩感證候

夫熱病者皆傷寒之類也或愈或死其死皆以六七日間其愈皆以一日已上者何也夫巨陽者諸陽之屬也其脈連於風府故為諸陽主氣人之傷於寒也故病則為熱雖甚不死其兩感於寒而病者必死夫兩傷於寒病

者一日則巨陽與少陰俱病故頭痛口乾煩滿而渴

手太陽是

小腸之經手少陰是心之經也

二日足陽明與足太陰俱病則復滿體

熱不食譫言

足陽明胃之經足太陰脾之經

三日則足少陽與足厥陰

俱病則耳聾囊縮水漿不入口則不知人六日而死矣

足少陽膽之經足厥陰肝之經也

是為六經陰陽表裏者也陽為腑主

表陰為臟主裏臟腑俱病故曰兩感三日而死者為一

日兩經受故云兩感是表裏俱病故六日而死矣

辨傷寒熱病不可治形候

傷寒三部脈陰陽俱盛大汗出不解者不可治

傷寒陰陽俱熱虛不止者不可治

傷寒脈至乍數乍疎者不可治

傷寒譫語妄語身熱脈浮大手足溫者生脈沉細手足逆冷者不可治

傷寒欬而上氣其脈散者不可治

傷寒熱盛脈浮大者生沉小者不可治

傷寒已得汗脈沉小者生浮大者不可治

傷寒譫語直視而喘者不可治

傷寒下利厥逆躁不能卧者不可治

傷寒發熱下利至厥不反者不可治

傷寒病惡寒踈而利手足逆者不可治

傷寒五六日脈微細沉但欲卧汗出不煩時自吐利復

煩躁不得卧寐者不可治

傷寒六七日喘息高者不可治

傷寒發汗汗出若大灌發不可治

傷寒洩而腹滿甚者不可治

傷寒目不明熱不已者不可治

傷寒老人嬰兒熱而復滿者不可治

傷寒汗出嘔血者不可治

傷寒舌本爛熱不已者不可治

傷寒欬血而衄汗不出出不至足者不可治

傷寒髓熱者不可治

傷寒熱而瘕者不可治

傷寒熱病腰折瘕瘕齒噤者不可治

傷寒下利後脈絕於手足厥冷脈不還不可治

傷寒四逆惡寒脈不至其人不熱而燥者不可治

熱病脈代者一旦死

熱病二三日身體熱腹痛頭痛飲食如故脈直而疾者至八日不可治

熱病三四日腹已下不得汗脈大疾者生脈細小難得者不可治



熱病四五日頭不熱腹不痛而吐脈來微細至十二日不可治

熱病七八日脈微小便如墨口乾脈代舌焦乾黑者不可治

熱病七八日脈微小病人便血口中乾一日半而死

熱病七八日脈不燥不數後三日中有汗三日不汗者死

熱病八九日頭不痛身不痛目不赤色不變而反利脈

來壘壘按不彈手時大心下堅者至十七日不可治

熱病已得汗而脈尚躁盛此陰脈之極也死

熱病脈常躁而不得汗者此陽脈之極也死脈盛躁得

汗者生也

熱病已得汗體熱不去者不可治

熱病其人滾滾大熱脈細小者不可治

熱病下利不止腹中痛甚者不可治

辨可灸形證

夫少陰病其人雖裏和其病惡寒者宜灸之

少陰病吐利手足逆而發熱脈不足者灸其少陰

夫吐下手足厥無脈者當其厥陰灸之不溫反微喘者死

傷寒六七日脈數手足厥煩躁不已灸厥陰不順者死

辨不可灸形證

凡微數之脈不可灸因熱為邪必致煩逆內有損骨傷筋血枯之患脈當汗解反以灸之邪無所去因火而盛

病當愈重此為逆之治欲解者當發其汗而解也

辨可火形證

夫凡下利後下部中痛當溫之宜炒枳實若熱鹽等熨之

辨病不可火證

夫傷寒寸口脈浮而弱即血氣虛衛氣微其脈浮則汗出如流珠衛氣微榮氣虛其脈浮汗出如油太陽病中風以火劫其汗風被火熱即冷血氣流洩常有潮熱身體枯

發黃病陽勝即衄陰虛即小便難陰陽俱虛竭身體枯  
燥但頭汗出至頸而還腹滿微喘口乾咽爛或不大便  
其甚者噦手足躁擾循衣摸床若心下滿小便利者其  
人可治小便不利不可治

夫傷寒脈浮而以火逼劫汗即亡陽必驚狂卧起不安  
夫陽病以火蒸之不得汗者其人必躁結若不結必下  
清血其脈躁者必發黃也

夫太陽病而熨其背大汗必出火氣入胃胃中乾燥必

發慌語

辨可水形證

夫太陽病差後胃中乾燥不得眠睡渴欲飲當少與之  
即愈若嘔吐熱在膈上思水者與五苓散即飲水也  
夫傷寒七八日大渴欲食水然當與之常令不足勿意  
極也

夫凡傷寒病能飲水者為欲愈也若不渴而強與之因  
此成禍者其數多矣

夫水可除煩使胃和常須少與勿令多若還不與無由  
汗強與還因水致痾病非大渴不可與水渴不與水無  
由作汗則喘而殂也傷寒水為欲愈之候若渴者與之  
過多或小渴而強與之飲腹中熱少一不能消停飲作  
害者多矣曰水結曰喘悸曰咳噎曰咳噦曰下利曰小  
便不利安有不自水氣得之診視又職此太陽病發汗  
後大汗出胃中燥不得眠其人欲水當少與之胃和則  
愈厥陰病厥病渴欲飲水者與水則愈霍亂發熱頭痛

身疼熱多飲水者與五苓散嘔吐條水結證見頭汗出  
條飲水多停心下氣上乘心則為悸水氣結於胸脇則  
為水結胸胃中虛冷則為冷嘔噦冷氣相搏為噎上迫  
於肺則為咳喘漬入腹中則為下利邪執所搏畜於下  
焦則為小便不利小腹滿而裏急溢於皮膚則為腫重  
飲水過多者五苓散導之

辨不可水形證

夫凡發汗後飲水水灌之其人必喘水藥不得入口入



則為逆傷寒結胸為無熱證者宜與平和之藥若以水灌之益令熱不得出當汗而不汗即煩假令汗出後腹中痛可服和氣止痛之藥夫寸口脈浮大醫反下之此為大逆浮則無血大則為寒寒氣相搏即為腹鳴醫不知而反飲其水令汗大出水得寒氣必相搏其病必甚也

夫傷寒五六日而渴欲食未宜與也為腹中熱氣尚少不能消之更作病深矣若大渴者宜與之也

辨可溫形證

夫法冬宜熱藥

夫凡病發熱頭痛脈浮數身有疼痛宜溫其表

夫病腹滿下利嘔吐身疼痛者宜溫其表裏

夫太陽病下利不渴其臟有寒當宜溫之其人飲食入則吐手足寒脈弦遲此為中寒不可吐下也當溫之

夫少陰病其脈沉者急當溫之下利不欲食者當宜溫之下利脈遲緊為痛未止下利脈浮大者此皆為虛宜

溫之

夫凡脈浮革者自腹鳴若渴之與水者必噦宜溫之  
夫病下之後續得下利水穀不止身體疼痛急當救之  
裏宜溫之與治平四逆附子湯諸溫藥之輩

辨霍亂病脈証并治第十三

問病有霍亂何答曰嘔吐而利曰霍亂

三焦者水穀之道路邪在三焦

則吐而不利在下焦則利而不吐邪在中焦則既吐且利以飲食不節寒熱不調清濁相干陰陽乖隔遂成霍亂輕者止曰吐利重者

揮霍擗亂名曰霍亂

問曰病發熱頭痛身疼惡寒吐利者此屬何病答曰此

名霍亂自吐下又利止復更發熱也

發熱頭痛身疼惡寒者本是傷寒因

邪入裏傷於脾胃上吐下利令霍亂也利止裏和復更發熱者還是傷寒必汗出而解

傷寒其脈微澁者本是霍亂今是傷寒却四五日至陰

經上轉入陰必利本嘔下利者不可治也欲似大便而

失氣仍不利者屬陽明也便必鞭十三日愈所以然者

經盡故也

微為亡陽澁為亡血傷寒脈微澁則本霍亂吐利亡陽亡血吐利止傷寒之邪未已還是

傷寒却四五日邪傳陰經之時裏虛遇夫邪必作自利本嘔者邪甚於上又利者邪甚于下嘔利邪甚於上下

先霍亂裏氣大虛又傷寒之邪再傳為吐利是重虛也故為不治難施功也此屬陽明使必觀也十三日愈者傷寒六日傳遍三陽三陰後六日再傳經盡則陰陽之氣和太陽之邪去而愈也下利後當便

鞭鞭則能食者愈今反不能食到後經中頗能食復過一

經能食過之一日當愈不愈者不屬陽明也

下利後亡津液當鞭

便能食為胃和必自愈不能食者為未和到後經中為復過一經言七日後再經也頗能食者胃氣方和過一日當愈不愈者暴熱使之殊非陽明氣和也霍亂頭痛發熱身疼痛熱多欲

飲水者五苓散主之寒多惡寒脈微而復利利止而亡

血也四逆加人參湯主之

惡寒脈微而利者陽虛陰勝也利止則津液內竭故云亡

血金匱玉函曰水竭則無血與四逆湯溫經助陽更加人參並津血霍亂頭痛發熱身疼

痛熱多欲飲水者五苓散主之寒多不用水者理中丸

主之頭痛發熱則邪自風寒而來中焦為寒熱相半之分邪稍高者居陽分則為熱熱多欲飲水者與五

苓散以散之邪稍下者居陰分則為寒寒多不用水者與理中丸溫之

理中丸方

人參

溫

甘草

甘平

白朮

溫

乾薑

辛熱

以上各三兩

內經曰參朮甘草之甘以緩脾氣調中寒淫所勝平以辛熱甘薑之辛以溫胃散寒

右四味搗篩為末蜜和丸如雞黃大以沸湯數合和

一丸碎研溫服之日三四夜二服腹中未熱益至四丸  
然不及湯湯法以四物依兩數切用水八升煮取三升  
去滓溫服一升一日三服加減法

若臍上築者腎氣動也去朮加桂四兩

脾虛腎氣動者臍上築動內經曰甘

者令人中滿朮甘壅補桂泄奔豚是相易也

吐多者去朮加生薑三兩

嘔家不喜甘去

木嘔家多服生薑以辛散之

下多者還用朮悸者加茯苓二兩

下多者用木以

去濕加茯苓以導氣也

渴欲得水者加朮足前成四兩半

津液不足則渴木甘

以緩腹中痛者加人參足前成兩半

裏虛則痛加人參以補之

寒者加

乾薑足前成四兩半

寒淫所勝平以辛熱

腹滿者去朮加附子一枚

服湯後如食頃飲熱粥一升許微自溫勿發揭衣被

胃虛則氣

壅腹滿甘令人中滿是去朮也附子之辛以補陽散壅

吐利止而身痛不休者當消

息和解其外宜桂枝湯小和之

吐利止裏和也身痛不休表未解也與桂枝湯小和之外

臺云裏和表病汗之則愈也

吐利汗出發熱惡寒四肢拘急手足厥

冷者四逆湯主之

上吐下利裏虛汗出發熱惡寒表未解也四肢拘急手足厥冷陽虛陰勝也與

四逆湯助陽還陰

既吐且利小便復利而大汗出下利清穀內寒

外熱脈微欲絕者四逆湯主之

吐利亡津液則小便當少小便復利而大汗出津液



不禁陽氣大虛也。脈微為亡陽。若無外熱，但內寒下利清穀，為純陰。此以外熱為陽，未絕猶可與四逆湯救之。斷不可作汗。若發汗，則必亡陽而躁。經曰：動氣在右，不可發汗。汗多亡陽，遂虛，惡風煩躁，不得眠也。

發汗則衄而渴，心若煩，飲則吐水。

動氣者，築築然氣動也。在右者在臍之右也。難

經曰：肺內證，臍右有動氣，按之牢若痛，肺氣不治，正氣內虛，氣動於臍之右也。發汗則動肺氣，肺上氣鬲竅於鼻，氣虛則不能衛血，血溢妄行，隨氣出鼻為衄。血亡津液，胃燥則煩渴，而心若煩，肺惡寒，飲食則傷肺，故飲則吐水。動

氣在左，不可發汗。發汗則頭眩，汗不止，筋惕肉瞤。

難經曰：肝證，臍

之左有動氣，按之牢若痛，肝氣不渴，正氣內虛，氣動於臍之左也。肝為陰之主，發汗汗不止，則亡陽外虛，故頭眩筋傷。肉瞤，針經曰：止虛則虛眩。動氣在上，不可發汗。發汗則氣上衝，正在

心端難經曰心內證膻在上有動氣按之牢若痛心氣不

愈損心氣腎乘邪氣欲上動氣在下不可發汗發汗則無

汗心中大煩骨節疼痛目運惡寒食則反吐穀不得前難經

曰腎在膻下有動氣按之牢若痛腎氣不治正氣內虛動

大煩者腎虛不能治心火也骨節疼痛者腎主骨也目運

者腎病則目眩眩如無所吐惡寒者腎主寒也食則反吐

穀不得前者腎水範也主水曰痛咽中閉塞不可發汗發

汗則吐血氣欲絕手足厥冷欲得蹶卧不得自溫咽閉者

胃經不和則咽內不利發汗欲陽血隨發散而上必吐血

也胃經不和而反攻表則陽虛於外故氣欲絕手足冷欲

蹠而不溫諸脈得數動微弱者不可發汗發汗則大便難

腸中乾胃燥而煩其形相象根本異源

動異數源為熱在表微弱之脈

為熱在裏發汗亡津液則熱氣愈甚胃中乾燥則大便難中乾胃燥而煩根本雖有表裏之異逆治之後熱付

之則一是以病形相象也

肺濡而弱弱反在關濡反在巔弦反在上

微反在下弦為陽運微為陰寒實上下虛意欲得溫微

弦為虛不可發汗發汗則寒懷不能自還

弦在上則風傷氣風勝者

陽為之運動微在下則寒傷血血傷者裏為之陰寒外氣泄與為上實裏有陰寒為下虛表熱裏意欲得溫莫

汗吐已下斷汗出而厥四肢拘急不解脈微欲絕者通

脈四逆加猪膽汁湯主之

吐已下斷津液內竭則不當汗出者不當厥今之汗

出而厥四肢拘急不解脈微欲絕者陽氣大虛陰氣獨勝也若純與陽藥必格拒或嘔或躁不能得復入也與通脈四逆湯加猪膽汁膽苦入心而通脈膽寒補肝而和陰引陽藥不被格拒內經曰微者逆之甚者從之此之謂也

吐利發汗脈平小煩者以新虛不勝穀氣故也

內經曰食

入於陰長氣於陽所虛不勝穀氣是生小煩

辨陰陽易差後勞復病證并治第十四

傷寒陰陽易之為病其人身體重少氣少復裏急或引陰中拘攣熱上衝胸頭重不欲舉眼中生花膝脛拘急

燒裨散主之

大病新差血氣未復餘熱未盡強合陰陽得病者名曰易男子病新差未平復而婦

人與之交得病名曰陽易婦人新病差未平復男子與之交得病名曰陰易以陰陽自感動其於毒相染著如交易也其人病身體重少氣者損動真氣也少腹裏急引陰中拘攣膝脛拘急陰氣極也熱上衝胃頭重不欲舉眼中生花者感動之毒所為之氣重蒸於上宜與燒裨散以道陰氣

燒裨散方

右取婦人中裨近隱處剪燒灰以水和服方寸匕日

三服小便即利陰頭微腫則愈婦人病取男子裨襠

燒灰

大病後勞復者枳實梔子湯主之若有宿食者加大黃  
如博碁子大五六枚病有勞復有食復傷寒新差血氣未平餘熱未盡早作勞動病者名曰勞復病熱少愈而食之熱有所藏因其容氣留搏兩陽相合而病者名曰食復勞復則熱氣浮越與枳實梔子豉湯以解之食復則胃有宿積大黃以解之

枳實梔子豉湯方

枳實

三枚味苦寒

梔子

十四枚擘苦寒

豉

一升苦寒

枳實梔子豉湯則應吐劑此云復令微似汗出者以其熱聚于上苦則裏苦寒吐之熱散於表者苦則發之內經火淫所勝以苦發之此之謂也

右三味以清漿七升空煮取四升枳實梔子煮取二升下豉更煮五六沸去滓溫分再服覆令微似汗

傷寒差後更發熱者小柴胡湯主之脈浮者以汗解之

脈沈實者以下解之

差後餘熱未盡更發熱者柴胡湯以解之脈浮者熱在表也故以汗

解脈沈者熱在裏也故以下解之

大病差後從腹已下有水氣者牡蠣

澤瀉散主之

大病差後脾胃氣虛不能制約胃水水溢下焦腰下為腫也金匱要畧曰腰肚下腫

當利小便與牡蠣澤瀉散利小便而散水也

牡蠣澤瀉散方

牡礪

鹹平熱

澤瀉

鹹寒

枯婁根

苦寒

蜀漆

辛平

洗

葶藶

苦寒

商陸根

鹹平熱

海藻

鹹寒

以上各等分

洗去鹹

鹹味勇泄牡蠣澤瀉海藻之鹹以泄水氣內經曰火淫於內平以苦佐以酸辛以苦泄之蜀漆葶藶

枯婁商陸之酸辛與苦以導腫濕

右七味均搗下篩為散更入臼中治之白飲和服方

寸匙小便利止後服日三

大病差後喜唾久不了了者胃上寒當以丸藥溫之宜

理中丸

汗後陽氣不足胃中虛寒不內津液傷寒解後故喜唾不了了與理中丸以溫其胃



虛羸少氣氣逆欲吐者竹葉石膏湯主之

傷寒解後津液不足而虛羸餘熱

未盡熱則傷氣故少氣氣逆欲吐與竹葉石膏湯調胃散熱

### 竹葉石膏湯

竹葉

二把辛平

石膏

一觔甘寒

半夏

半觔洗辛溫

麥門冬

一觔甘平去心

人參

三兩甘溫

甘草

三兩甘平炙

粳米

半升甘微寒

辛甘發散而除熱竹葉石膏甘草之甘辛以發散餘熱甘緩脾而益氣麥門冬人參粳米之甘以補不足辛者散也氣逆者欲其散半夏之辛以散逆氣也

右七味以水一斗煮取六升去滓內粳米煮米熟湯

成去米溫服一升日三服

病人脈已解而日暮微煩以病新差人強與穀脾胃氣

尚不能消穀故令微煩損穀則愈

陽明王於申酉戌宿食在胃故曰暮微煩

當小一下之以損宿穀

辨不可發汗病脈證并治第十五

夫以為疾病至急倉卒尋按要者難得故重集諸可與不可方治比之三陰三陽篇中此易見也又時有不止是三陰三陽出在諸可與不可中也

諸不可汗不可下病症藥方前三陰

三陽篇中經注已具者更不復出  
其餘無者于此已後經注備見  
脈濡而弱弱反在顛

微反在上濇反在下微則陽氣不足濇則無血陽氣反

微中風汗出而反躁煩濇則無血厥而且寒陽微發汗

躁不得眠

寸關為陽脈當浮盛弱反在關則裏氣不足濡反在顛則表氣不逮衛行脈外浮為在上

以候衛微反在上是陽氣不足榮行脈中沈為在下以候衛濇反在下是無血也陽微不能固外腠理開疎風因客之故令汗出而躁煩無血則陰虛不與陽相順接故厥而且寒陽微無津液發汗常常煩躁日夜不能得也

也

欬者則劇數吐涎沫咽中必乾小便不利心中飢煩

晬時而發其形似瘧有寒無熱虛而寒慄欬而發汗蹇

而苦滿腹中堅

肺寒氣逆欬者則劇吐涎沫亡津液咽中必乾小便不利腸中陽氣虛心中飢

而煩一日一夜氣大會於肺邪上相繫時而發形如寒瘧但寒無熱虛而寒慄欬而發汗攻陽則陽氣愈虛陰寒愈甚故踈而厥脈緊不可發汗發汗則聲亂咽嘶舌苦滿腹中復堅

萋聲不得前

厥而脈緊則少陰傷寒也法常溫裏而反發汗則損少陰之氣少陰之脈入肺中循

喉嚨挾古本胃為之本肺為之標本虛則標弱故聲亂咽嘶古萋聲不得前

諸逆發汗病微

者難差劇者言亂目眩者死命將難全

不可發汗而強發之輕者因發

而重而難差重者脫其陰陽之氣言亂目眩而死難經曰脫陽者見鬼是此言亂也脫陰者目盲是此目眩也眩目而見眩欬而小便利若失小便者不可發汗汗出是近盲也

則四肢厥逆冷

肺經虛冷上虛下腫治下者欬而小便利或失小便上虛發汗則陽氣外亡四

肢者諸陽之本陽虛則不與陰相接故四肢逆冷

傷寒頭痛翕翕發熱形象中風常微汗出自嘔者下之

蓋煩心中懊憹如飢發汗則致瘥身強難以屈伸重之

則發黃不得小便久則發欬唾

傷寒當無汗惡寒今頭痛發熱微汗出自嘔傷

寒之邪傳而為熱欲形與裏若反下之邪氣乘結流于胃中為虛煩心唾膿如飢若發汗則虛表熱歸經結熱甚生風若身強直而成瘥若重之則火熱相合消津液故小便不利而發黃肺惡火久則火熱肺必發欬而唾膿

夫脈沈數病在裏不可發汗無陽故也

凡脈盡中遲不可發汗榮衛不足血少故也

凡脈微弱者不可發汗

凡腹中有動氣在左右不可發汗

凡諸動脈微弱者皆不可發汗汗則小便難腸中乾煩燥之也

凡失血者不可發汗汗發必恍惚心亂

凡咽燥者不可發汗

凡積熱在臟不宜發汗汗則必吐中爛生瘡

凡下利水穀忌攻其表汗出必脹滿欬咳嗽小便利者  
不可攻其表汗出即逆不堪者脈微遲溫濕虛煩壞病  
推經水其表兼失血臍間動氣並如之病在表脈浮者  
可汗表證具發濁脈不浮是表猶藏裏也未可汗傷寒  
不可汗條例最多其可汗大抵脈證全在表表固汗然  
汗大早太過或津液泄變生焉當時誤汗則為亡陽為  
譎語為可下厥上竭等證其害人又速設或誤汗真武

湯救解寒者去芍藥有熱去附子吁此救兵也謹之謹之  
表中風寒裏消則裏病未熱者雖無陽證可以小心之劑微汗而溫散之微脈若為亡陽不  
可汗桂枝二越婢一湯尺脈遲為血少榮氣不足不可  
發汗先用黃耆建中湯養血俟其脈不遲即小柴胡湯  
桂枝二越婢一湯和解風溫濕溫各有本條虛煩似傷  
寒傷陰不惡寒身不疼脈不緊不可汗下竹葉湯或小  
柴胡湯壞病者吐汗下溫不解知犯何逆法治之並不  
可汗小柴胡湯衄血下血雖脈浮緊無汗然而衄欲愈



下者亦欲愈不愈用桂枝湯不可發汗腹中左右上下  
動氣築觸不可汗不止筋惕肉瞤為逆先服防風白朮  
牡蠣湯則頭眩汗下證治論用柴胡桂枝湯動在右發  
汗汗止建中湯準之動在右發汗衄而謂心若煩飲吐  
先五苓散次竹葉湯動在上發氣上衝心棗根湯動在  
下發汗心中大煩骨節疼頭痛目運入食吐用大橘皮  
湯以止吐次建中湯下利清穀用理中湯止吐次建中  
湯或大便不通皆不可汗惡寒脈浮此為表證若謂之

邪欲入裏不可汗

夫咽乾喉塞亡血淋家衄家與瘡家動氣並不可汗證  
治論皆用小柴胡湯厥逆不可發汗當歸四逆湯

辨可發汗脈證并治第十六

大法春夏宜發汗

春夏陽氣在外邪氣亦在外故可發汗

凡發汗欲令手足俱周時出以漿然一時間許出亦佳  
不可令如水流漓若病不解當重發汗汗多必亡陽陽  
虛不得重發汗也

汗緩緩出則表裏之邪悉去汗大出則邪氣不能除但亡陽也陽虛為無

津液故不可重發汗凡服湯發汗中病便止不必盡劑汗多則凡

云可發汗無湯者九散亦可用要以汗出為解耳然不

如湯隨證良驗聖劑經曰湯津主治本乎腠理壅邪除邪氣者於湯為宜金匱玉函曰水能淨

萬物故用湯也夫病脈浮大問病言但便鞭爾設利者為大逆

鞭為實汗出而解何以故脈浮當以汗解經曰脈浮大應發汗腎反

下之為大逆便鞭雖為實裏亦當先解其外若行利藥是為大逆結胃雖急脈浮大猶不可下下之即死況便

難乎經曰本發汗而復下之此下利後身疼痛便自調

者急當救表宜枝湯發汗外臺嘗云裏和表病汗之則愈

太陽病脈浮數者宜發汗也

太陽病脈浮大數者宜發汗也

陽明病脈遲汗多而微惡寒者外未解宜發汗

陽明病脈浮數者宜發汗

太陽病常汗微微自出更宜發汗

凡脈浮而緊者浮則為風緊則為寒宜發汗

太陽病下之微喘者外未解也宜發汗

太陽病發熱汗出而惡寒宜發汗

辨發汗後病脈證并治第十七

發汗多亡陽譫語者不可下與柴胡桂枝湯和其榮衛

以通津液後自愈

胃為水穀之海津液之主汗多亡津液胃中燥必發譫語此非實熱則不

可下與柴胡桂枝湯和其榮衛通行津液則其胃潤譫語自止

辨不可吐第十八

合四證已具太陽篇中

夫太陽病惡寒而發汗自汗出而反不惡寒其關上脈

細數者不可吐之

夫少陰病其人欲食入吐心中溫溫欲吐復不能吐手足寒脈弦遲乾嘔此膈上有食飲不可吐之當宜溫也諸四逆者不可吐之

諸虛羸不可吐之

新產者不可吐之

病者惡寒而不欲近衣不可吐之

辨可吐第十九

大法春宜吐

春時陽氣在上邪氣亦在上故宜吐

凡用吐湯中病即止不

必盡劑也

要在適當不欲過也

病胃中諸實胃中鬱鬱而痛不能

食欲使人按之而反有涎唾下利日十餘行其脉反遲寸

口脉微滑此可吐之利則止

或胃上諸實或痰實或熱鬱或寒結胃中鬱而痛不能

食欲使人按之反有涎唾者邪在下按之氣下而熱涎

唾此按之反有涎唾知邪在胃中經曰下利脉遲而滑

者內實也今下利日十餘行其脉反遲寸口脉微滑

是上實也故可吐之玉函曰上盛不已吐而奪之宿

食在上脘者當吐之

宿食在中下脘則當下宿食在上脘則當吐內經曰其高者因而越

之其下者病入手足厥冷脉乍結以客氣在胃中心下

引而竭之滿而煩欲食不能食者在胃中當吐之

此與第六卷厥陰門瓜蒂散證

同彼云脈乍緊此云脈乍結惟此有異緊為內實乍緊則實未深是邪在胃中為結乍實則結未深是邪在胃中所以證凡服之吐胃中病便止不必盡劑也治同也

大法春夏宜吐凡病頭不強痛寸四脈浮胃中痞滿上衝喉咽不行此為有痰當宜吐之傷寒胃滿痰逆朝嘔熱嗽及肺壅唾膿等宜吐之夫宿食在胃脘宜吐之

辨不可下病脈證并治第二十

脈濡而弱弱反在關濡反在顛微反在上澁反在下微則陽氣不足澁則無血陽氣反微中風汗出而反躁煩



澁則無血厥而且寒陽微不可下下之則心下痞鞭陽微

下之陽氣已虛陰氣內甚故心下痞鞭動氣在右不可下下之則津液內

竭咽燥鼻乾頭眩心悸也動氣在右肺之動也下之傷胃肺津液內竭咽燥鼻乾者

肺屬金主燥也頭眩心悸者肺主氣而虛也動氣在左不可下下之則腹內

拘急食不下動氣更劇雖有身熱卧則欲蹠動氣在左肝之動也

下之損脾而肝氣益勝復行於脾故腹內拘急食不下動氣更劇也雖有身熱以裏氣不足故卧則欲蹠也

動氣在上不可下下之則掌握熱煩身上浮冷熱汗自泄

欲得水自灌動氣在上心之動也下之則傷胃內動心氣心為火主熱針經曰心之生病者掌中

熱肝為臟中之陰病則身雖有熱外則欲蹠者表熱裏  
寒也心為臟中之陽病則身上浮冷熱汗自泄欲得水

自灌者表寒裏熱也二臟陰陽寒熱明可見焉動氣在下不可下下則腹脹滿

卒起頭眩食則下清穀心下痞也動氣在下腎之動也  
下之則傷脾時氣則

動寒乘脾故有因腹滿頭眩中閉塞不可下下之則上  
眩下利則心下痞之證也

輕下重水漿不下臥則欲蹠身急痛下利日數十行  
中咽

閉塞胃已不和也下之則閉塞之邪為上輕傷胃氣為  
下動至水漿不下臥則欲蹠身急痛下利日數十行知

虛寒也諸外實者不可下下之則發微熱亡脈厥者當臍  
也

握熱外實者表熱也汗之則愈下之為逆下後裏虛表  
熱內陷故發微熱厥深者熱亦深亡脈厥者則陽

氣深陷客於下  
焦故臍熱也

諸虛者不可下下之則大竭求水者欲

愈惡水者劇

金匱玉函曰虛者十補勿一瀉之虛門下之為重虛內竭津液故令大渴求水者陽氣

未竭而猶可愈惡水者陽氣已竭則難可制

脈濡而弱弱反在關濡反在巔

絃反在上微反在下弦為陽運微為陰寒上實下虛意

欲得溫微絃為虛虛者不可下也

虛家下之是為重虛難經曰實實虛虛損

不足益有餘此是中工治其害也

微則為欬欬則吐涎下之則欬止而

利因不休利不休則胃中如蟲齧粥入則出小便不利

兩脇拘急喘息為難頸背相引臂則不仁極寒反汗出

身冷若冰眼睛不慧語言不休而穀氣多入此為除中

口雖欲言舌不得前

內經曰感於寒則受病微則為欬而不能安甚則為泄為痛肺感微

寒為欬則脈亦微也下之氣下欬雖止而利不休則奪正氣而成危惡胃中如蟲蠶粥入則出而小便不利兩

脇拘急喘息為難者裏氣損也頸背相引臂為不仁極寒及汗出身冷如冰者表氣損也表裏損極至陰陽脫

者應不能食而言不休難經曰脫陽者見鬼脫陰者則目盲陰陽脫者應俱是不能食而穀多入者此為除中

是胃氣除去也口雖欲言舌不能前氣已衰脫不能運也脈濡而弱弱反在關濡反

在巔浮反在上數反在下浮為陽虛數則為無血浮為

虛數為熱浮為虛自汗出而惡寒數為痛振寒而慄微

弱在關胃下為急喘汗而不得呼吸呼吸之中痛在於脇振  
寒相搏形如瘧疾而反下之致令脉數發熱狂走見鬼  
心下為痞小便淋瀝小腸甚硬小便則尿血也

弱在關則陰氣

內弱濡在顛則陽氣外弱浮為虛浮在上衛不足也故云陽  
虛陽虛不固故腠理汗出惡寒數亦為虛數在下則榮不  
及故云亡血則不能溫潤腑臟脉數而痛振寒而慄微弱  
在關邪氣傳裏也裏虛遇邪胃下為急喘而汗出脇下  
引痛振寒如瘧裏邪未實表邪未解醫反下之裏氣益  
虛邪熱內陷故脉數發熱狂走見鬼心下為痞此熱陷  
于中焦者也若熱氣深陷則容於下焦

脈濡而緊濡則  
使小便淋瀝小腸甚硬小便尿血也

胃氣微緊則榮中寒陽微衛中風發熱而惡寒榮緊胃

氣冷微嘔心內煩醫為有大熱解肌而發汗亡陽虛煩躁心下苦痞堅表裏俱虛竭卒起而頭眩客熱在皮膚悵快不得眠不知胃氣冷緊寒在關元技巧無所施汲水灌其身客熱應時罷慄慄而振寒重被而覆之汗出而冒巔體惕而又振小便為微難寒氣因水發清穀不容間嘔變反腸出顛倒不得安手足為微逆身冷而內煩遲欲從後救安可復追還

胃冷榮寒陽微中風發熱惡寒微嘔心煩衣不溫胃反為有熱

解肌發汗則表虛亡陽煩躁心下痞堅先裏不足發汗又虛其表表裏俱虛竭卒起頭眩客熱在表悵快不得

眠醫不救裏但責表熱汲水灌洗以却熱客熱易罷裏寒益增慄而振寒復以重被覆之裏虛遂汗出愈使陽氣虛也巔頂也巔胃而體振寒小便難者亡陽也寒因水發下為清救上為嘔吐外有厥逆內為慄煩顛倒不安雖欲拯救不可得也本草脈浮而大浮為氣實大為血虛曰病勢已過命將難全

氣實為無陰孤陽獨下陰部者小便當赤而難肥中當

虛今反小便利而有汗出法應衛家當微今反更實

津液四射榮竭血盡乾煩而不得眠血薄肉消而成暴

液醫復以毒藥攻其胃此為重虛客陽去有期必下如

汚塗而死

衛為陽榮為陰衛氣強實陰血虛弱陽乘陰虛下至陰部陰部下焦也陽為熱則消津液當

小便赤而難令反小便利而大汗出者陰氣內弱也經曰陰弱者汗自出是以衛家不微而反更實榮竭血盡乾煩而不眠血薄則內消而成暴液者津液四射也醫反下之又虛其裏是為重虛孤陽因下而又脫去氣血竭胃氣內盡必下若污淫而死也 脈數者久數不止止則邪結正氣不

能復正氣却結于藏故邪氣浮之與皮毛相得脈數者

不可下下之則必煩利不止

數為熱止則邪氣結于經絡之間正氣不得復行于

表則却結於藏邪氣獨浮于皮毛下之虛其裏邪熱乘虛而入裏虛協熱必煩利不止

脈浮大應

發汗醫反下之此為大逆

浮大屬表故不可下病欲吐者不可下之也

嘔多

雖有陽明證不可攻之

為邪猶在胃中也

大陽病外證未解不



可下下之為逆

表未解者雖有裏證亦不可下當先解外為順若反下之則為逆也經曰本發

汗而復下之此為逆也若先發汗治不為逆

夫病陽多者熱下之則鞭

陽熱證多

則津液少下之雖除熱復損津液必便難也或謂陽多者表熱也下之則心下鞭

無陽陰強大

便鞭者下之則必清穀腹滿

無陽者亡津液也陰強者寒多也大便鞭則為陰結

下之虛胃陰寒內甚必清穀腹滿

傷寒發熱頭痛微汗出發汗則不識

人熏之則喘不得小便心腹滿下之則短氣小便難頭

痛背強加溫針則血

傷寒則無汗發熱頭痛微汗出者寒邪變熱欲傳於裏也發汗則亡

陽增熱故不識人若以火熏之則大熱傷氣內消津液結為裏實故喘不得小便心腹滿若反下之則內虛津

液邪欲入裏外動經絡故短氣小便難頭痛背傷寒脈強加溫針益陽增熱將必動其血而為衄也

陰陽俱緊惡寒發熱則脈欲厥厥者脈初來大漸漸小更來漸漸大是其候也如此者惡寒甚者翕翕汗出喉中痛熱多者目赤脈多睛不慧醫復發之咽中則傷若復下之則兩目閉寒多者便清穀熱多者便膿血若熏之則身發黃若熨之則咽燥若小便利者可救之小便

難者為危殆

脈陰陽俱緊則清邪中上濁邪中下太陽少陰俱感邪也惡寒者少陰發熱者太陽脈欲

厥者表邪欲傳裏也惡寒甚者則變熱翕翕汗出喉中痛以少陰之脈循喉嚨故也熱多太陽多也目赤脈多者睛

不慧以太陽之脈起於目故也發汗攻陽則火陰之熱因發而行上故咽中傷若復下之則太陽之邪因虛而內陷故兩目閉陰邪下行為寒多必便清穀陽邪下行為熱多必便膿血重之則火熱甚身必發黃熨之則火熱必輕為咽燥小便利者為津液未竭猶可救之小便難者津液已絕則難可制而危殆矣此則不可不知也傷寒發熱口中勃勃氣出頭痛目黃衄不可制貪水者必吐惡水者厥若下之咽中生瘡假令足手溫者必下重便膿血頭痛目黃者若下之則兩目閉貪水者脉必厥其聲嚶咽喉塞若發汗則戰慄陽陰俱虛惡水者若下之則裏冷不嗜食大便秘澁出若發汗則口中傷舌

上白胎煩燥脈數實不大便六七日後必便血若發汗

則小便利也

傷寒發熱寒變熱也口中覺勃勃氣出熱客上膈也頭痛目黃血不可制者熱

然于上也千金曰無陽即厥無陰即嘔貪水者必嘔則陰虛惡水者厥則陽虛也發熱口中勃勃氣出者咽中已熱也若下之亡津液則咽中生瘡熱因裏虛而下若熱氣內結則手足必厥設手足溫者熱氣不結而下行

作昨熱利下重使膿血也頭痛目黃者

目閉也貪水為陰虛下之又虛其裏陽氣內陷故脈厥聲嚶咽喉閉塞陰虛發汗又虛其陽使陰陽俱虛而戰慄惡水者為陽虛下之又虛胃氣虛寒內甚故致裏冷不嗜食陽虛發汗則上焦虛燥故口中傷爛舌上白胎而煩燥也經曰脈數不解合熱則消穀喜饑至六七日不大便者此則有瘀血也脈數實不大便六七日熱畜血於內也七日之後邪熱漸解迫血不行必便血也便

血發汗陰陽俱虛故小便利

下利脈大者虛也以其強下之故也設

脈浮革因爾腸鳴者屬當歸四逆湯主之

脈大為虛以木應下而下

之利因不休也浮者按之不足也革者實大而長微強也浮為虛革為寒寒虛相搏則腸鳴與當歸四逆湯補

虛散

大傷寒脈濡而弱陽氣不足不可下之下之則心

下痞津液內竭咽燥鼻乾也

夫傷寒脈浮而緊浮則為風緊則為寒風則傷榮寒則傷衛榮衛俱病骨節煩疼當發其汗而不可下也

夫傷寒脈浮濡弱不得發汗無陽故也亡陽尺中弱澁

者不可下

夫傷寒結胃證其脈浮大不可下下之即死矣

夫太陽與陽明合病喘是胃滿不可下

夫太陽與少陽合病心下堅頸強項而眩不可下也

夫四逆病厥者不可下也

夫病欲吐者不可下也

夫病發於陽而反之熱入咽作結胃也

夫太陰病其人腹滿吐食不可下下之益甚

夫少陰病當心下堅滿不可下之後利不止者死

夫病在裏而腹實者可下裏證悉具若惡寒若脈不實是裏猶帶表也未可下之傷寒不可下條例最多其可下者大抵脈證全在裏也裏故可下然下之太早太過或者水穀脫而變生焉至於當汗而誤下則理中湯九懷為結胃等證其害人之速耳設或誤下則理中湯九以救解之或裏煩則少加烏梅或轉損厥逆則兼與四逆湯輩吁此救兵也謹之謹之脈來細小固不可下若

細小而牢緊又可下也脈浮病在表不可下結胃脈浮大不可下脈細虛或遲緩或尺部濡弱此凡皆為血氣衰不可下也惡寒者表之虛證雖陽明惡寒則與太陽合屬病表汗不可下若少陰證惡寒則溫之嘔吐者雖有陽明證謹不可下小柴胡加生薑主之小便自利汗出者津液竭糞雖硬屬陽明但用蜜導而出也猪膽汁亦可導也脾約證大便堅小便清者熱不在裏雖不大便不可下桂枝湯治之少陰證小便白為下焦虛寒用



四逆湯大便堅小便少者津液還入胃必先鞭後澹不久自出惟小便如常乃可下之有表證脈大浮或惡寒或猶生寒熱並不可下不轉失氣謂不可下泄也不下泄則先鞭後澹不可下大抵陽明燥糞欲下之先與小承氣湯若轉失氣則必先澹後鞭更進一劑不轉失氣則止又陽明譫語潮熱脈疾與小承氣湯不轉失氣則與小柴胡湯若次日又不大便而脈濇則為裏虛黃耆建中湯主之凡陽證而脈濇謹不可下頭汗出為津液少胞

中虛不可下唯陽明語譟血熱頭汗則可下諸虛少血厥  
逆喉閉喉吐亡陽陰實動氣皆不可下虛加附子湯厥  
逆當歸四逆湯咽喉閉寒鳥扇湯嘔吐小半夏加梗皮  
湯無陽陰實而大便鞅者下之必清穀腹滿但用蜜導  
左動氣下之則腹滿拘急氣愈動身雖熱反欲拳先甘  
草乾薑湯次小建中湯左動氣下之則津液竭咽鼻乾  
頭眩心悸竹葉湯上動氣下之則握掌熱煩汗出欲灌  
水竹葉湯下動氣下之則腹滿清穀心痞頭眩甘草瀉

心湯小柴胡湯加減傷寒諸方惟小柴胡為用最多而諸家屢稱述之蓋以柴胡半夏之劑能汗凡半表半裏之間以之和解皆可用也如不知小柴胡非時為表裏和解設其於解益熱消惡血誠有功焉蓋傷寒發熱一二日間解撤不去其熱必至於傷血凡男女皆然小柴胡湯內有黃芩柴胡最行血熱所以屢獲奇功但藥性差寒用之貴能加減今推明活法凡表發熱裏又有燥渴糞鞭熱證者是為內外俱熱小柴胡加大黃裏無熱

證但發汗在表者小柴胡加桂枝主解表可以溫血所謂陰盛惡寒甘辛發散者此也是反別大黃主功裏可以蕩滌血熱所謂陽盛內熱酸苦湧泄者此也是又別其解表以溫攻裏以寒之若遇少陽本證及無表裏證或表裏不分之證但依本方用之並不須加減此為正訣虛者少與尤在酌量

辨可下病脈證并治第二十一

大法秋宜下

秋時陽氣下行則邪亦在下故宜下

凡服下藥用湯勝丸中

病即止不必盡劑也

湯之為言蕩也滌蕩腸胃溉灌臟腑推陳燥結却熱下寒破散邪疫

理導潤澤枯槁悅人皮膚益人血氣水能淨萬物故勝九散中病即止者如承氣湯證云右一服利而止後服

又曰若一服譌語止更其復服是不盡劑也

下利三部脈皆平按之心下鞅

者急下之宜大承氣湯

下利者脈當微厥今反和者為內實也下利三部脈平者已為

實而久按之心下鞅故為邪甚也故宜大承氣湯下之

下利脈遲而滑者內實也

利未欲止當下之宜大承氣湯主之

經曰脈遲者食乾物得之金匱要畧

曰滑則穀氣實下利脈遲而滑者為有宿食也脾胃傷食不消水穀是致下利者云內食若但以溫中厚腸之藥治之利未必止可與大承氣湯下去宿食利自止矣

問曰人病有宿食何以別

之師曰寸口脈浮而大按之反澀尺亦微而澀故知有宿

食當下之宜大承氣湯

寸以候外尺以候內浮以候表沉以候裏寸口脈浮大者氣實

血虛也按之反澀尺中亦微而澀者胃有宿食裏氣不和也與大承氣湯以下宿食

下利不欲食

者以有宿食故也當即下之與大承氣湯

傷食則惡食故不欲食如

傷風惡風傷寒惡寒之數也

下利差後至其年月日復發者以病不

盡故也當下之宜大承氣湯

乘春則肝先受之乘夏則心先受之乘至陰則脾先

受之乘秋則肺先受之假令春時受病氣又傷肝治之難愈邪有不盡者矣春時先受月日內外相感必復動而痛下利為腸胃病宿積不盡故當下之下利脈反滑當有所去下之乃

愈宜大承氣湯主之

脈經曰脈滑者為病食也下利脈滑則內有宿食故云當有所去與

大承氣湯以下宿食

病腹中滿痛者此為實也當下之宜大承氣湯

金匱要畧曰病者腹滿中按之下痛為虛痛為實可下之腹中滿痛者裏氣壅實也故可下之矣

傷寒

脈沈沈者內實也下解之宜大柴胡湯

傷寒後為表已解脈沈為裏未

和與大柴胡湯以下內實經曰傷寒差已後更發熱脈沈實者以下解之也

脈雙弦而遲者

必心下鞅脈大而緊者陽中有陰也可以下之宜大承

氣湯

金匱要畧曰脈雙弦者寒也經曰遲為在臟脈雙弦而遲者陰中伏陽也必心下鞅大則為陽緊則

為寒脈大而緊者陽中伏陰也與大承氣湯以與陰陽相合

夫少陰病得之口燥咽乾宜急下之

夫傷寒病人腹滿不大便者亦然

夫傷寒病腹中滿痛者為寒當宜下之

夫傷寒脈數而滑者有宿食當下之則愈

夫傷寒六七日目中童子不明無外證大便難微熱者此為實宜急下之

夫太陽病七八日脈微浮者其人發狂此下焦有熱小腹當堅而滿小便自利下血乃愈瘀血在裏故也宜下



之

夫陽明病但頭汗出其身無汗小便不利渴飲水漿此為瘵熱在裏身必發黃宜急下之

夫太陽病有熱而小腹滿者小便反利此為有畜血當宜下之

夫傷寒病五六日不大便繞臍痛煩燥汗出者此為有結汗出後則暫解日晡則復發脈實者當宜下之

夫傷寒七八日身黃如橘小便不利其腹微滿者宜下

之

夫陽明病其人多汗津液越出胃中有熱大便必堅宜下之

夫傷寒大下後六七日不大便煩熱不解腹滿如痛者此有宿食宜下之

夫傷寒病小便不利大便乍難乍易時有微熱不能卧此胃中內有結燥故也宜下之

辨發汗吐下後脈證并治第二十三此第十卷

第二十二篇凡四十八證前三陰三陽篇中悉具載之

此已下諸方于隨卷本證下雖已有錄止以加減言之未甚明白以覽者檢閱未便今復校勘備列于後

桂枝加葛根湯主之方

葛根

四兩

芍藥

三兩

甘草

二兩

生薑

三兩切

大棗

十二枚

桂

枝

枝

三兩

去皮

右七味以水一斗先煮麻黃葛根減二升去上沫內

諸藥煮取三升去滓溫服一升覆取微似汗不須啜

粥餘如桂枝法

桂枝加厚朴杏仁湯方

於桂枝湯方內加厚朴三兩用杏仁五十箇去皮尖餘依前法

桂枝加附子湯方

於桂枝湯方內加附子一枚炮去皮破八片餘依前法

皮桂枝加白朮四兩依前法

桂枝去芍藥湯方

於桂枝湯方內去芍藥餘依前法

桂枝去芍藥加附子湯方

於桂枝湯方內去芍藥加附子一枚炮去皮破八片餘依前

法

桂枝麻黃各半兩湯方

桂枝

一兩十六銖去皮

芍藥

生薑

切

甘草

炙

麻黃

各一兩去

節

大棗

四枚擘

杏仁

二十四箇湯浸去皮尖及兩仁者

右七味以水五升先煮麻黃三沸去沫內諸藥煮取一升八合去滓溫服六合

桂枝二麻黃一湯方

桂枝

一兩十七銖去皮

芍藥

一兩六銖

麻黃

十六銖去節

生薑

一兩六銖

切

杏仁

十六箇去皮尖

甘草

一兩二銖炙

大棗

五枚擘

右七味以水五升先煮麻黃三沸去上沫內諸藥煮  
取二合去滓溫服一升

白虎加人參湯方

於白虎湯方內加人參  
三兩餘依白虎湯法

桂枝去桂加茯苓白朮湯方

於桂枝湯方內去桂枝加  
茯苓白朮各三兩餘依前

法煎服小  
便利則愈

葛根加半夏湯方

於葛根湯方內加半夏  
半升餘依葛根湯法

桂枝加芍藥生薑人參新加湯方

於第二卷桂枝湯方  
更加芍藥生薑各一

兩入參三兩餘  
依桂枝湯法服

梔子甘草豉湯方

梔子豉湯方內加入甘草三兩餘依前法得吐止勿服

梔子生薑豉湯方

梔子豉湯方內加生薑五兩餘依前法得吐之後服

柴胡加芒消湯方

小柴胡湯方內加芒消七兩餘依前法服不解更服之

桂枝加桂湯方

第三卷桂枝湯方內更加桂枝三兩共五兩餘依前法

柴胡桂枝湯方

桂枝去皮黃芩

人參

各一兩半

甘草

炙一兩

半夏

二兩半

芍

藥一兩半

大棗

六枚

生薑

一兩半切

柴胡

四兩

右凡味以水七升煮取三升去滓溫服

附子瀉心湯方

大黃

二兩黃連

黃芩

各一兩

附子

一枚炮去皮臍破別圭取汁

右四味以切三味麻黃湯三升漬之須臾絞去滓內

附子汁分溫再服

生薑瀉心湯方

生薑

四兩切

甘草

三兩炙

人參

三兩

乾薑

一兩

黃芩

三兩半夏

半升洗

黃連

一兩

大棗

一十二枚擘

右八味以水一斗煮取六升去滓再煎取三升溫服



一升日三服

甘草瀉心湯方

甘草

四兩

黃芩

三兩

乾薑

三兩

半夏

半升

大棗

十二枚

黃連

四兩

一兩

右六味以水一斗煮取六升去滓煎取三升溫服一

升日三服

黃芩加半夏生薑湯方

於黃芩湯方內加半夏并生薑一兩半餘依黃芩法服

桂枝加大黃湯方

桂枝

三兩  
去皮

大黃

一兩

芍藥

六兩

生薑

三兩  
切

甘草

三兩  
炙

東

十二  
枚

右六味以水七升煮取三升去滓溫服一升日三服

桂枝加芍藥湯方

於第二卷桂枝湯方內更加芍藥三兩通共六兩依桂枝湯方服

四逆加吳茱萸生薑湯方

當歸

三兩

芍藥

三兩

甘草

三兩  
炙

通草

二兩

桂枝

三兩  
去皮

細辛

三兩  
生薑

半升  
切

吳茱萸

二升

大棗

二十五  
枚

右九味以水六升清酒六升和煮取五升去取溫分

五服方水酒各四升

四逆加人參湯方

於四逆湯方內加人參一兩亦依四逆湯法服

四逆加猪膽汁湯方

於四逆湯方內加猪膽汁半合餘依膽煎服如無猪膽以羊膽代之

音釋

辨陽明脈證并治

廁

初史切間也溷也

瘕

音假腹中久病

疸

音但黃病憤心亂也

怵

勅律切悲也

惕

音踢敬也又憂也

痺

丁賀切勞病也

辨太陰脈證并治

拒

音巨抑也

函

音含又音減書函

眈

音荒目不明也

腕

音管胃腑也

竭

渠列切

蒂

渠列切

蒂

渠列切

音帝瓜蒂也

辨不可下病脈證并治

齧

五結切

盥

音貫澡手也

悵

上丑亮切

悵

望恨也

嚶

於耕切

嚶

鳥鳴也

嚶

鳥鳴也

漑

上居代切

灌

音貫洗也

普濟方卷一百二十九